


特
1
2498

中
入



国立国会図書館 請求記号 特1-2498
タイトル 『東醫寶鑑内景篇4卷外景篇4卷雑病篇11卷湯液篇3卷鍼灸篇1卷目2卷』

ガラス使用

東醫寶鑑外形篇卷之二上

東醫忠勤貞亮扈 聖功臣崇祿大夫陽平君臣許浚奉 教撰

耳

耳目受陽氣以聰明 人之耳目猶月之質必受日光所

始能聽明是故耳目之陰血虛則陽氣之加無以
受之而視聽之聰明失耳目之陽氣虛則陰血不
能自施而聰明亦失然則耳之聰
明必須血氣相須始能視聽也

耳者腎之竅 內經曰腎主耳又曰腎在竅為耳。腎氣
通于耳腎和則耳能聞五音矣。內經

曰腎藏精靈樞曰精脫者耳聾夫腎為足少陰之
經乃藏精而氣通于耳耳者宗脉之所聚也若精

東醫寶鑑

卷之二上 外形篇

一



特1
2498

脉法

氣調和則腎臟強盛耳聞五音若勞傷氣血兼
 受風邪損於腎臟而精脫者則耳聾無聞也
 病耳聾脉大者生沉細者難治也
 火上炎兩尺洪數相火上炎其人必遺精夢泄兩
 耳或鳴或聾
 細而濇為虛
 耳病脉浮而盛為風洪而實為熱
 洪動火賊沉濇氣凝數實熱塞久病聾者專干腎
 責暴病浮洪兩尺相同或兩尺數陰火上衝
 黃帝曰人之耳中鳴者何氣使然岐伯曰耳者宗
 脉之所聚也故腎中空則宗脉虛宗脉虛則下流
 脉有所竭故耳鳴
 髓海不足則腦轉耳鳴
 陽厥也註曰笑謂耳中鳴如笑聲也一陽獨曠與三
 焦也膽及三焦脉皆入耳故氣逆上則耳中鳴
 耳鳴乃是聾之漸惟氣閉者多不鳴便聾
 人嗜慾無節度役過度或中年之後大病之餘腎

耳鳴

水枯涸陰火上炎故耳痒耳鳴無日而不作或如
 蟬噪之聲或如鍾鼓之聲早而不治漸至聾瞶良
 可嘆哉
 嘈宜芎芷散或腎氣不足宗脉虛邪入耳為鳴
 先用五苓散或加枳殼橘皮生薑紫蘇同煎吞
 青木香元氣散邪疎風下氣續以芎歸飲和養
 南星苦黃青皮荆芥酒炒製煎服
 兩耳蟬鳴漸欲聾宜加減龍翥丸
 氣湯復聰湯
 也痰火者鳴甚腎虛者微鳴宜補腎丸
 補丸滋腎通氣湯或六味地黃丸
 十九枚炒黃為末每二錢溫酒調和吞
 下百丸
 芎芷散
 治風入耳虛鳴川芎一錢半白芷蒼朮陳皮
 細辛石菖蒲厚朴半夏木通紫蘇葉辣桂甘



草各七分右剉作一貼入姜
三片連鬚葱白二莖煎服

芎歸飲

治風邪入耳虛鳴川芎當歸細辛各一錢辣
桂石菖蒲白芷各七分右剉作一貼入薑三

片棗二枚紫蘇七
葉水煎食後服

加減龍蒼丸

治痰火上升耳鳴草龍胆酒洗當歸酒
洗梔子炒黃芩青皮各一兩大黃酒蒸

青黛柴胡各五錢盧蒼牛胆南星各三錢木香二
錢半麝香五分右為末神麴糊和丸菜豆大姜湯

下二十九日三服七日後
用鍼砂酒以通其氣

鍼砂酒

揀出山甲將鍼砂以酒一錢拌鍼砂養一晝夜
口內外用磁石一塊綿

裹塞耳忌怒戒色

通明利氣湯

治虛火痰氣鬱于耳中或閉或鳴痰火
熾盛痞滿煩躁貝母一錢二分陳皮一

錢黃連黃芩煎酒浸猪胆汁拌炒黃栢酒炒梔子
炒玄參酒洗各七分蒼朮鹽水炒白朮香附子便

炒生乾地黃薑汁炒檳榔各五分川芎四分木香
二分半甘草二分右剉作一貼入薑三片水煎入

竹瀝五
匙服

復聰湯

治痰火上攻耳鳴耳聾半夏赤茯苓陳皮甘
草篇蓄木通瞿麥黃栢鹽炒各一錢右剉作

一貼入薑三
片水煎服

補腎丸

治陰虛火動耳鳴熟地黃兔絲子酒製各八
兩當歸身三兩半肉蓯蓉五兩山茱萸二兩

半黃柏知母並酒炒各一兩破故紙酒炒五錢右
為末酒糊和丸梧子大空心鹽湯下五七十九丸



黃芪丸

治腎虛耳鳴夜間睡着如打戰鼓黃芪一兩
白蒺藜炒羌活各伍錢大附子一箇炮獨羊

腎一兩焙乾右為末酒糊和丸梧子
大空心煨葱鹽湯下三五十九

大補丸

治耳鳴欲聾黃栢八兩剉人乳拌勻晒乾再
用鹽水炒褐色右擣為末水丸梧子大空心

鹽湯下百丸。
一名獨勝丸

滋腎通耳湯

治腎虛耳鳴欲聾當歸川芎白芍藥生
乾地黃酒炒各一錢知母黃栢並酒炒

黃芩酒炒柴胡白芷香附子各七
分右剉作一貼空心水煎溫服

耳聾

耳聾皆属于熱然有左耳聾者有右耳聾者有左
耳右耳俱聾者不可不分夫左耳聾者足少陽火
也忿怒之人多有之龍蒼丸主之
右耳聾者足太陽之火也色慾之人多有之六味地黃丸主

之虧親左右俱聾者足陽明之火也醇酒厚味之
人多有之通聖散助陽散痰丸
助陽散痰丸

言之則忿怒致耳聾為多厥陰少陽火多故也
腎水竅耳而能聞音者水生于金也肺主氣一

身之氣貫于耳故能聽音凡治諸聾必先調氣開
鬱間用磁石羊腎丸以開關竅蓋聾皆痰火鬱結

非磁石鎮墜烏桂椒辛菖蒲辛散流通則老痰鬱
火何由而開愈後以通聖散和之可也

聾婦人多有之以其多忿怒故也右耳聾男人多
有之以其多色慾故也左右俱聾膏梁之家多有

之以其多肥甘故也
虛聾。耳聾有風聾濕聾勞聾虛聾厥聾卒聾。

左耳聾宜龍胆湯右耳聾宜滋陰地黃湯左
右耳俱聾宜酒製通聖散清聰化痰丸

磁石羊腎丸

治諸般耳聾補虛開竅行鬱散風去濕
磁石三兩煨再用葱白木通各三兩剉



同水煎一伏時取石研水取二兩川芎白朮川椒
棗肉防風白茯苓細辛山藥遠志川烏木香當歸
鹿茸兔絲子黃芪各一兩肉桂六錢半熟地黃二
兩石菖蒲一兩半右為末羊腎兩對酒煮爛和酒
糊和丸梧子大空心溫
酒或鹽湯下五十九丸

龍膽湯

治忿怒動胆火致左耳聾黃連黃芩梔子當
歸陳皮牛胆南星各一錢草龍胆香附子各

入分玄參七分青黛木香各五分乾薑炒黑三分
右剉作一貼入薑三片水煎入玄明粉三分服

滋陰地黃湯

治色慾動相火致右耳聾熟地黃一錢
半山藥山茱萸當歸川芎白芍藥各八

分牡丹皮澤瀉白茯苓石菖蒲遠志知母黃柏並
鹽酒炒各六分右剉作一貼水煎服空心亦治大

病後耳
聾

精聰化痰丸

治飲食厚味挾怒氣以動肝胃之火致
耳聾耳鳴壅塞不聞聲音橘紅去白鹽

水洗赤茯苓蔓荊子各一兩片芩酒炒八錢黃連
酒炒白芍藥酒浸煨生地黃酒洗柴胡半夏薑製

各七錢人參六錢青皮醋炒五錢生甘草四錢右
為末葱湯浸蒸餅和丸棗豆大茶清下百丸

風聾

風聾者風邪入耳必耳中痒或頭痛風熱鬱者
宜酒製通聖散吹入耳痒皆屬于熱少陽厥陰

熱多宜開痰散風熱通聖散助視倍入酒煨大黃
再用酒炒三次後入諸藥通用酒炒水煎食後服

研。風虛耳聾
宜桂香散吹

桂香散

治風虛耳聾南星炮白芷各一錢辣桂川芎
當歸細辛菖蒲木香木通白蒺藜麻黃甘草

各七分右剉作一貼入紫蘇七
葉薑三片葱白二莖水煎服



濕聾

濕聾者因雨水入耳浸漬必耳內腫痛涼膈散
火方明倍入酒炒大黃又黃芩酒浸炒加羌活防

風荆芥水煎服或五苓散煎加陳皮枳殼紫蘇
生薑煎服。黃龍散入龍腦少許吹入耳中炒

黃聾

治沐浴水入耳中或膿耳亦治小兒聾耳枯
白礬龍骨煨黃丹水飛胭脂燒灰海螵蛸煨

各一錢麝香少許右為末先以紙撚拭乾
膿水乃以棉撚蘸藥入耳日日易之

虛聾

因久瀉或大病後風邪乘虛入耳與氣相搏嘈
嘈而鳴或時眼見黑花宜四物湯加知母

黃柏並鹽酒炒菖蒲遠志水煎服或腎氣丸
加磁石破故紙兔絲子黃柏空心鹽湯吞下。若

勞役脫氣者補中益氣湯酌加菖蒲
白茯苓黃柏知母並鹽水炒煎服

勞聾

經曰精脫者耳聾其眼顫色黑耳輪枯焦受
塵垢者是也因房勞脫精者人參養榮湯酌加

知母黃柏並鹽水炒煎服或補骨脂丸益腎

黃柏知母並鹽水炒亦治虛症動火而聾
虛耳聾宜燒腎散腎虛久聾宜薑竭散開之

補骨脂丸

治勞損耳聾磁石煨淬一兩二錢半熟地
黃當歸川芎肉桂兔絲子川椒破故紙白

蒺藜胡蘆巴杜仲白芷菖蒲各二錢右為
末蜜丸梧子大空心葱白湯下五十九丸

益腎散

治腎虛耳聾磁石煨淬巴戟川椒各一兩石
菖蒲沉香各伍錢右為末以猪腎一枚細切

和以葱鹽并藥末用濕帛十重
裹煨令熟空心細嚼以酒下

燒腎散

治腎虛耳聾磁石火煨醋淬七次附子炮川
椒炒巴戟各一兩右為末用猪腎一枚細切

葱白白芷各一錢入藥末一錢鹽一匙和勻濕帛
裹煨熟取出空心細嚼溫酒送下十日見効



薑蝎散

治耳聾因腎虛所致十年內者一服愈全蝎四十九片剉右二味銀石器內炒乾為細末向久勿食夜卧酒調作一服至二更以來徐徐盡量飲五更耳中聞百十攢

厥聾

暴厥而聾偏塞閉不通內氣暴薄也。併時併則臟氣逆名之曰厥厥氣相薄入于耳之時則令聾名之曰厥聾氣逆耳聾有三肝與手太陽少陽也經云肝氣逆則頭痛耳聾是也手太陽氣厥而聾者其候耳內氣滿熱塞手少陽氣厥而聾者其候耳內渾渾焯焯一云焯焯燿燿皆宜四物湯吞下龍蒼丸或燒腎散以通之。因臟氣厥逆入耳痞塞不通必受眩暈宜當歸龍蒼丸。兼用塞耳丹塞耳。熱氣閉塞耳不鳴。

卒聾

卒聾者腎氣虛風邪傳于經絡入于耳中正氣與邪氣相搏故令卒聾宜芎芷散。方見。方網下。暴聾皆是厥逆之氣經云少陽之厥暴聾者是也。暴聾宜蒲黃膏龍胆膏塞耳。方見。共為細末作丸塞耳內服甘草煎湯令兩人各製用不可一處安頓又巴豆二十粒為泥松香五錢人葱汁擣作丸。綿裹塞耳中。

耳重聽

耳重聽宜清神散。聰耳湯地黃湯。

清神散

治風氣塞耳常重聽頭目不清白。各一兩。羌活荆芥木通川芎香附子防風各五錢。石菖蒲甘草各二錢。半右為末。每二錢食後茶清調下。或剉水煎服亦可。

聰耳湯

治耳重聽不清黃柏酒炒一錢。當歸酒洗白芍藥酒炒生地黃酒洗川芎知母酒炒陳皮。



烏藥白芷防風羌活酒洗獨活酒洗薄荷蔓荆子
蒿本酒洗各五分細辛三分右剉作一貼水煎食
後服服後低頭睡一時

地黃湯

治腎經熱右耳聽事不真每心中憊然則轉
覺重虛鳴疼痛磁石煨淬爲末二兩生乾地

黃酒洗二兩半枳殼羌活桑白皮防風黃芩木通
各一兩甘草五錢右麤末每四錢水煎日二服
耳者宗脈之所聚腎氣之所通足少陰之經也若
勞傷氣血熱氣乘虛入于經熱氣聚則生膿塞耳
者謂之聾耳。人耳中有津液若風熱搏之津
液結硬成核塞耳亦令暴聾謂之聾耳熱氣乘虛
隨脈入耳熱聚不散濃汁出焉謂之膿耳。宜服
柴胡聰耳湯。中津液結核寒耳暴聾而爲聾耳宜
湯外用猪脂地龍銅底煤等分葱汁爲丸棗核大
綿裹入耳令潤挑去

柴胡聰耳湯

治聾耳耳中乾結耳鳴而聾連翹三錢
柴胡二錢當歸人參甘草各一錢右剉

作一貼入薑三片水二盞煎至一盞去渣入水蛭
末五分蜜虫三枚末麝香一分再一沸食遠服

耳痛成膿耳

風邪乘少陰之經入于耳內熱氣聚則痛
而生膿或風熱上壅腫痛日久膿汁流出

皆謂之膿耳膿不去則塞耳成聾。耳內作痛
宜鼠粘子湯蔓荆子散犀角飲子荆芥連翹湯東
垣鼠粘子湯。去膿汁宜紅綿散抵聖散黃龍散
上方見明礬散吹耳散。耳痛以白龍散塞耳。耳
熱出汗滑石石膏天花粉防風各一錢
龍腦一分右爲細末摻耳中卽止

鼠粘子湯

治耳內生腫紅如櫻桃極痛連翹片芩酒
炒玄參吉黃梔子酒炒鼠粘子炒草龍胆

酒炒板藍根柳菴生甘草各一錢右剉
作一貼水煎食後服隨飲酒一二盞



蔓荆子散

治腎經有風熱耳中熱痛出膿汁或鳴或

冬桑白皮赤芍藥木通升麻甘草各七分右

犀角飲子

治風熱耳聾腫痛及出膿水犀角屑木通

甘草五分右剉作一貼

荆芥連翹湯

治兩耳腫痛由腎經有風熱荆芥連翹

梔子白芷苦黃各七分甘草五分

東垣鼠粘子湯

治耳內痛生瘡苦黃一錢半黃芪柴

當歸尾黃芩生甘草炙甘草各五分昆布蘇木黃

連蒲黃草龍胆各三分桃仁三個紅花一分右剉

紅綿散

治膿耳枯白礬海螵蛸各一錢乾胭脂五分

麝香一字右研勻先以綿纏子拭去耳中膿

抵聖散

治耳中膿出經年不愈烏賊骨三錢乳香二

錢枯白礬乾胭脂輕粉各一錢麝香五分右

明礬散

治腎經有熱上衝於耳使津液凝滯為稠膿

清汁亦有沐浴水入耳停滯為膿但不疼若

吹耳散

治腎經風熱耳內出膿汁乾胭脂海螵蛸枯



黃連各一錢龍腦二分麝香一分
右為細末先去膿水次吹藥入

白龍散 治耳中卒然大痛寒水石煨四兩烏賊魚骨
滑石各一兩鵬砂三錢輕粉一錢右為末香

油調如糊以紙燃薰
入耳中痛立止

耳痒 有人患耳痒一日一作可畏宜挑剔出血稍愈
日復然此乃腎臟虛致浮毒上攻母以常法治

之宜服局方透冰丹 賦腥忌酒麪鷄猪助熱之物
能盡一月為佳不然無效 婦人宜服立參貝母湯

立參貝母湯 治耳熱出汗作痒乃痰火也防風貝母
天花粉黃柏鹽水炒白茯苓立參白芷

蔓荆子天麻半夏製各一錢甘草五分
右剉作一貼入薑三片水煎食後服

透關通氣藥 邪氣閉塞為聾瞶當用透關通氣之藥宜
塞耳丹通神散鐵砂酒坊見蒲黃膏龍腦

膏甘遂散透耳
筒透鐵關法

塞耳丹 治氣塞聾瞶石菖蒲一寸巴豆肉一粒塞全
蠟一個為末葱涎和如棗核大綿裹塞耳

通神散 大治耳聾全蠟全者一箇土狗二枚地龍二
條雄黃白礬半生半煨各半錢麝香二分半

右為末葱白蘸藥入耳閉氣
面壁坐一時三日一用

蒲黃膏 治耳卒聾細辛蒲黃各五錢杏仁神麴各七
錢半右為末杏仁膏和捻如棗核大綿裹塞

耳日一
易聾

龍腦膏 治同上龍腦一分椒目五錢杏仁泥二錢半
右為末和捻棗核大綿裹塞耳日二易聾

甘遂散 治耳聾甘遂末葱汁和丸綿裹塞耳中
口令甘草湯兩藥須各兩處修製妙

耳聾實證

卷二 外形篇

一



透耳筒

治腎氣虛耳鳴如風水聲或如鐘磬響或卒暴聾椒目巴豆肉石菖蒲松脂各半錢為末

以臘熔化和勻作筒子樣綿裹納于耳中日一易神效齋

透鉄關法

治耳聾好活磁石二塊剉如棗核大搽麝香少許于磁石尖上塞兩耳竅中口內噙

生鉄一塊候一時兩耳氣透颯颯有聲為度勤用三五次可愈齋

脩養法

以手摩耳輪不拘遍數所謂脩其城郭以補腎氣以防聾聵也懺。養耳力者常飽懺

不治證

久聾腎氣虛絕不聞者難治

諸虫入耳

諸虫入耳不出將兩刀子于耳門上相磨敲作聲虫聞之自出又將鏡子敲之亦出

車紅脂塗耳孔虫自出。藍青汁滴入耳中虫自死出。川椒末醋浸良久取汁灌耳中虫自

出。諸虫及虱入耳白膠香燒烟熏人耳中。煖虫自出。虫入耳痛者鰻魚膏塗人耳中

入耳桃葉作枕枕之虫自鼻出。飛蛾入耳好醋滴入耳內虫必死而出。飛蛾人耳醬汁灌

耳中即出。葱汁薑汁麻油鷄冠熱血隨所得灌耳中。耳生薑汁或韭汁灌入耳中即出。蜈蚣入


耳生薑汁或韭汁灌入耳中即出。又猪肥肉炙令香掩耳蜈蚣自出。蠅入耳生半夏為

末麻油調塗耳門虫聞香即出。活地龍一條納葱葉中化水滴耳中虫化為水。鼠婦虫

研如泥攤帛上擦作條納耳中自出。又蝸牛滴木研爛滴汁耳中亦出。脂麻油作煎餅枕卧須

臾出。小蒜汁滴入耳即出。諸虫皆同。半酪或驢乳灌耳中當消成水。蟻子入耳穿山

外形篇



甲燒末水調灌之即出。豬脂或半脂或肉炙令香安耳孔虫自出。耳中有物不可出用弓絃或麻繩打令頭散塗好膠粘着其物徐徐引出。妙法。取葱管合于耳門內極力吸之即出。一切虫物入耳以竹管入耳內用口氣盡力吸之。

單方 凡二 十種

白礬 治膿水出耳中煨為末入麝香少許綿裹塞耳中。

鹽 治耳卒痛鹽三五升蒸熱裹以青布枕之冷復易立效。

磁石 治久聾取堅磁石如豆大穿山甲燒為末一分半右新綿裹了塞耳口中含小生鉄覺耳內如風雨聲即愈。又磁石生研細綿裹納聾耳中別用鉄鍼砂末納入聾耳中自然通聽。

菖蒲 治耳聾石菖蒲一寸巴豆肉一粒合搗為丸。裹塞耳日一易。耳痛取自然汁灌耳神效。

生地黄 治耳鳴耳聾生地黄灰火煨綿裹塞耳數易之以差為度。

薄荷 治水入耳取汁點入立效。

葶麻子 治耳鳴耳聾葶麻子去皮四十九粒大棗肉十箇和人乳搗爛合勻每取作棗核大綿裹塞入耳中覺熱為度。一日一易名棗子錠。

甘遂 治久聾甘遂半寸綿裹塞耳內甘草半寸嚼口中即通。又甘遂末吹入左耳甘草末吹入右耳亦效。須兩人各處脩製乃效。

巴豆 治耳聾久聾耳痛巴豆肉一兩松脂三兩同搗勻作棗核大綿裹塞耳日一易。巴豆一粒。



去皮臘裹針刺一孔令透塞耳中。巴豆肉十個研爛半兩。鵝脂熔化作丸。綿裹塞耳中。研

龜尿 治久聾取得尿盛青葱管中。滴入耳中。取尿法以明鏡照龜。龜淫發放尿。又艾炙其尻亦放。研

鯉魚膽 治耳聾取汁滴入耳中。取鯉魚腦髓二兩。梗塞耳亦治聾。補。治暴聾。鯉魚腦髓二兩。梗

米三合和鹽醬煮粥食。

鼠膽 治久聾取胆汁令病人側卧。瀝汁入耳。令盡。須臾胆可從下耳出。初灌益聾。半日乃差。能治三

十年老聾。但鼠胆難得。鼠纔死胆便消矣。或六月初三日。前有之。鼠腦綿裹塞耳。亦治聾。補

蛇膏 治耳聾取蛇膏塞耳中。神效。針。耳內或大痛。如有虫在內。奔走或血水流出。痛不可忍。蛇退

皮燒存性為末。吹入耳中。立愈。驅

蚯蚓汁 治耳聾取地龍納葱葉中。化水。點之。乾

杏仁 治耳痛出膿水。熬赤為末。葱涎和丸。綿裹入耳中。日三易。乾

芥子 治耳聾搗為末。人乳汁和丸。綿裹塞耳。日二易。乾

鷄抱卵殼 治耳內有膿痛不可忍。取卵殼皮炒黃為末。香油調灌耳內。痛即止。燻

雄猫尿 治耳聾取尿滴入耳中。左滴左右滴。右如猫不放尿。取生薑擦其齒。即放尿。燻

麝香 治耳閉耳聾。真麝香為末。以葱管吹入耳內。後將葱塞耳內。耳自鳴。翻

驢生脂 治積年耳聾。取脂和生椒熟搗綿裹塞耳。妙不可言。乾

鍼灸法 耳鳴取液門耳門中。諸上關完骨。臨泣陽谷。前谷後谿。陽谿偏歷合谷。大陵太谿命門。耳聾



取中渚外關和膠聽會聽宮合谷商陽中衝△暴聾取天牖四瀆△灸耳暴聾蒼術長七分一頭切平一頭削尖將尖頭插耳中于平頭上灸七壯重者二七壯覺耳內熱即效

鼻

鼻曰神廬

黃庭經曰神廬之中當修治呼吸廬間入丹田神廬者鼻也乃神氣出入之門也

鼻為玄牝之門戶

老子曰谷神不死是謂玄牝玄牝之門為天地根綿綿若存用之不勤何

謂玄牝之門答曰鼻通天氣曰玄門口通地氣曰牝戶口鼻乃玄牝之門戶也

鼻為肺之竅

內經曰西方白色入通于肺開竅于鼻△肺有病而鼻為之不和也

肺氣通于鼻肺和則鼻能知香臭矣

脉法

左寸脉浮緩為傷風鼻塞流涕右寸脉浮洪而數為鼻衄鼻傳

鼻淵

內經曰膽移熱於腦則辛頰鼻淵鼻淵者濁涕下不止也傳為鼻淵也久而不已必成衄血失

血多故目視眩暗也。鼻淵者外寒內束熱之證也

通聖散防風湯蒼甘散荆芥連翹湯△一人鼻流濁涕有痰氣脉弦小右寸滑左寸澁先灸上星三

里合谷次以酒灸二兩蒼術半夏各一兩辛夷細辛川芎白芷石膏人參葛根各五錢右剉分七貼

服之全愈△鼻中常流鼻黃水甚者腦亦痛俗名控腦砂有虫蝕腦中用絲瓜藤近根

三五尺許燒存性為末酒調服即愈

黃連通聖散

治鼻淵證即風門防風通聖散加酒炒黃連薄荷葉煎服

外形篇

百



防風湯

治鼻淵濁涕下不止防風二兩酒炒片芩人參川芎麥門冬甘草各一兩右細末每二

錢沸湯點服食後日三或判取七錢水煎服亦可

蒼耳散

治鼻淵白芷一兩辛夷五錢蒼耳炒二錢半薄荷一錢右末每二錢葱茶清調下食後

荆芥連翹湯

治鼻淵荆芥柴胡川芎當歸生地黃赤芍藥白芷防風薄荷梔子黃芩苦黃連

翹各五分甘草三分右剉作一貼水煎服

鼻鼽

則決然鼻流清涕也。鼻中水出口鼽。傷風則決然鼻流清涕也。鼻流清涕者屬肺寒也。翻

芎當歸細辛白芷防風羌活苦黃薄荷生薑煎服好以細辛膏塞鼻中。老人鼻鼽不止用獨頭

好以細辛膏塞鼻中。老人鼻鼽不止用獨頭

川椒散

治鼻鼽紅椒炒柯子肉白薑生桂心川芎辛白朮各等分右為末每二錢溫酒調下

細辛膏

治鼻塞腦冷清涕不止細辛川椒乾薑川芎吳茱萸附子各七錢半皂角屑五錢桂心一

兩猪油六兩右煎猪油成膏先一宿以苦酒浸前藥取入油煎附子黃色止以綿裹塞鼻孔中

鼻衄

詳見血門

鼻塞

鼻塞皆屬肺。塞傷皮毛則鼻塞不利。火鬱清道則香臭不知。新者偶感風寒鼻塞聲重流涕實

嚏宜羌活中和湯參蘇飲。久則略感風寒鼻塞便發宜清金降火涼膈散。加以川芎荆芥

白芷。鼻塞甚者藥寒湯華澄茄丸。不知香臭者麗澤通氣湯。內有硬物者宜南星飲。外用華撥

餅貼額門。且以菖蒲皂角末綿裹塞鼻。鼻鼽者肺為風冷所傷。津液冷滯。鼻氣不宣。香臭不知。

小形篇

七



宜芎藭散搗○鼻塞不聞香臭宜清肺湯溫衛湯通竅湯菖蒲散又一方

禦寒湯

治感寒鼻塞黃芪一錢蒼朮七分陳皮人參升麻各五分防風白芷佛耳草款冬花甘草

各三分黃連黃柏羌活各二分右剉作一貼水煎服

草澄茄丸

治鼻塞不通薄荷葉三錢荆芥穗一錢半草澄茄五分右末蜜丸櫻桃大常含化

麗澤通氣湯

治鼻不聞香臭此肺經有風熱也黃芪一錢蒼朮羌活獨活防風升麻葛根各

七分甘草炙五分麻黃川椒白芷各三分右剉作一貼入薑三片棗二枚葱白三寸水煎服

南星飲

治風邪入腦宿冷不消鼻內結硬物窒塞腦氣不宜遂流髓涕大白天南星切片沸湯泡

兩次焙乾每服二錢入大棗七枚甘草少許同煎

收仍以草撥餅貼額門熨斗火熨之令熱透

草撥餅

治鼻塞流濁涕草撥餅香附子大蒜同搗作餅紗襯貼額門上以熨斗火熨之

芎藭散

治鼻塞為艷芎藭檳榔麻黃肉桂防己木通細辛白芷菖蒲各七分木香川椒甘草各三

分半右剉作一貼入薑三片紫蘇葉五片水煎服

溫肺湯

治鼻不聞香臭麻黃二錢黃芪升麻各一錢半防風葛根羌活甘草炙各一錢丁香二分

右麤末水二盞葱白三根同煎至一盞食後溫服

溫衛湯

治鼻不聞香臭目中流火陰冷足痿當歸身一錢半黃芪蒼朮升麻知母柴胡羌活各一

錢人參防風白芷黃柏澤瀉甘草各五錢陳皮青皮黃連木香各三分右剉作一貼水煎服



通竅湯

治感風寒鼻塞聲重流涕不聞香臭防風羌活藁本升麻乾葛川芎蒼朮各一錢白芷五分

分麻黃川椒細辛甘草各三分右剉作一貼薑三片葱白二莖水煎服

菖蒲散

治鼻塞不通不得息菖蒲皂角等分擣為末每用一錢綿裹塞鼻仰卧少時

鼻不聞香臭方

薄荷三錢細辛白芷防風羌活當歸川芎半夏苦黃陳皮赤苓各一錢右

剉作一貼水煎服

鼻痔

輕為鼻瘡重為鼻痔皆肺經熱也。鼻痔者肺氣熱極日久凝濁結成瘰肉如棗大滯塞鼻竅甚者亦名鼻翳防風通聖散。加三稜海藻末調服外用辛夷膏塞鼻即愈。因肺中有食積熱痰流注宜以南星半夏蒼朮神麴細辛白芷甘草酒炒芩連煎服外用瓜礬散自愈。鼻中

贊肉鼻不可近痛不可搖以白礬末加硃砂少許吹其上頃之化水而消與勝濕散。因濕瀉白散。此厚味壅塞濕熱蒸于肺門如雨霽之地突生芝菌也。鼻痔宜瓜丁散白黃散羊肺散。

辛夷膏

治鼻中瘰肉窒塞疼痛辛夷二兩細辛木通水香白芷杏仁各五錢右以羊髓猪脂二兩

和藥于石器內慢火熬成膏取赤黃色放冷入龍腦麝香各一錢為丸綿裹塞鼻中數日脫落即愈。

△小兒鼻流宿涕取此貼額門上又塗鼻中。

瓜礬散

去鼻痔瓜蒂四錢甘遂一錢枯白礬螺殼灰草烏灰各五分右為末麻油調作丸如鼻孔

大每日一次以藥納鼻內令達痔肉上其痔化為水肉皆爛下即愈。

瓜丁散

治鼻有瘰肉不聞香臭鼻中瘰肉俗謂之鼻痔瓜蒂細辛等分為末綿裹如豆許塞鼻



中即化黃水點滴至盡三四日遂愈一名細辛散

白黃散

治鼻鼈瘰肉鼻痔白礬雄黃細辛瓜蒂等分爲末以雄犬胆汁和丸綿裹塞鼻中

羊肺散

治肺壅生瘰肉不聞香臭羊肺一具白朮四兩肉蓯蓉木通乾薑川芎各一兩右五味爲

細末以水量打稀糊灌肺中煮熟焙乾爲細末食後米飲下二錢

鼻瘡

鼻中生瘡乃肺熱也宜黃芩湯洗肺散

宜瀉白散加酒炒片芩梔子苦蕒薄荷

瘡杏仁油和鹽塗之

黃芩湯

治肺火盛鼻孔乾燥或生瘡腫痛片芩酒炒梔子連皮酒炒苦蕒赤芍藥桑白皮麥門冬

荆芥穗薄荷連翹各一錢甘草三分右剉作一貼水煎食後服

洗肺散

治鼻中生瘡片芩酒炒二錢五味子天門冬麥門冬半夏杏仁各一錢甘草五分右剉作

一貼入薑五片水煎服食後

鼻痛

鼻痛者因風邪與正氣相搏鼻道不通故爲痛宜

人參順氣散通氣驅風湯

鼻鼈

鼻鼈者鼻之準頭紅也甚則紫黑酒客多有之因

血熱入肺鬱久則血凝濁而色赤或不飲酒而

紅者名曰肺風瘡亦是血熱入肺俱宜清血四物湯兼服梔子仁丸外用硫黃散

位高其體脆性惡寒又惡熱是故好飲熱酒者始則傷于肺藏鬱熱久則見外而爲鼻鼈至準赤之

外形篇

二



侯得熱則紅得寒則黑。酒齏鼻乃熱血入肺。酒齏鼻及肺風瘡以白龍丸洗面逐日常服。

龍虎丹半月瑩潔。酒齏宜。交霄花散參歸丸。肺風瘡宜肺風丸。升麻湯清肺飲子一方。

清血四物湯 治酒齏川芎當歸赤芍藥生地黃片苓。酒炒紅花酒焙赤茯苓陳皮各一錢生。

甘草五分右剉作一貼入薑二片煎水調五靈脂末一錢食後服。

梔子仁丸 治酒齏老山梔子仁為末黃蠟等分熔化。和丸彈子大茶清嚼下忌熱物半月效。

硫黃散 治鼻齏生硫黃五錢杏仁二錢半輕粉。錢右為末酒調臨卧塗之明早洗去。

白龍丸 治酒齏滿面紫黑川芎蒿本細辛白芷甘草。各等分右末四兩入煨石膏末一斤和丸彈。

子大逐日用此藥洗面如。

交霄花散 治酒齏鼻沫三次可去根。凌霄花山梔子等分為末每二錢食後茶清調下。

參歸丸 治酒齏乃血熱入肺苦參四兩當歸二兩。末酒塗和丸梧子大熱茶清下七八九。

肺風丸 治面鼻風瘡及齏細辛旋覆花羌活各二。兩晚蠶蛾炙苦參各一錢右末軟飯和丸梧。

子大食後茶清下五七丸。

升麻湯 治肺風瘡陳皮甘草各一錢蒼朮乾葛苦黃。升麻各七分赤芍藥大黃酒蒸各五分半夏。

赤茯苓白芷當歸各三分枳殼乾薑各二分。右剉作一貼入薑三片燈心一撮同煎服。

清肺飲子 治鼻紅肺風蒼薄荷一兩山茶花胡麻仁。片芩酒炒梔子葛花苦參甘草各七錢連。

翹荆芥芍藥防風各三錢右為末。每二錢茶清調服後用搽藥。



搽鼻去紅方 白礬水銀京墨各一錢杏仁四十九箇
輕粉七分白楊葉十箇大風子四十九箇

箇五味子四十九粒核桃七箇
右為末雞子清調搽患處

面鼻紫黑 面為陽中之陽鼻居面之中一身之血運到
面鼻皆為至清至精之血多酒之人酒氣動

蒸面鼻得酒血為極熱血得寒汚濁凝澁而熱不
行故色為紫黑治宜化滯血生新血服清血四物

湯坊見氣弱者
加酒黃芪煎

鼻涕 詳見津液門

鼻嚏 詳見言語門

鼻色占病 靈樞曰鼻頭色青為痛色黑為勞色赤為風
色黃者便難也色解明者有留飲也。鼻色

青腹中痛若冷者死。鼻頭微白者
亡血也赤者血熱也酒客多有之

修養法 常以手中指於鼻梁兩邊指二三十遍令表裏
俱熱所謂灌溉中岳以潤於肺也。常去鼻

中毛謂神氣出入之門戶也

單方 凡十種

白鹽 治酒齶和津唾
常擦之為妙

白礬 治鼻中瘰癧內取枯礬末和
猪脂綿裹塞鼻中甚妙

硫黃 治鼻紅如神硫黃化開入燒酒內淬
三吹為末茄汁調敷三次即效

雄黃 療鼻中瘰癧肉取棗核大
塞鼻中瘰癧肉自落



輕粉

治酒齶輕粉硫黃為末和津唾擦之又
輕粉硫黃乳香細辛為末唾調付之

細辛

除艷臭瘰肉與瓜蒂同用為瓜丁散
有人患瘰肉垂出外用此即消盡

芎藭

治鼻多涕或煎
或末服並佳

乾薑

治鼻塞為末蜜
和丸塞鼻中

辛夷

通鼻塞為末葱茶清點服
一錢又綿裹塞鼻中

皂角

治鼻塞炙為末取少許吹入鼻中又食
物入鼻不出以末吹鼻取嚏即出

百草

治久患鼻瘡膿極鼻細研
為末以冷水滴下二錢

瓜蒂

去鼻中瘰肉為末綿裹塞之
或和羊脂或和細辛皆佳

胡荽

治瘰肉擗爛塞
鼻瘰肉自落

犬膽

去鼻艷及鼻中瘰肉取瓜蒂
細辛末和膽汁塞鼻即效

狗頭骨灰

和硃砂少許擗鼻中瘰肉自化
狗頭灰一錢丁香半錢末細研吹鼻中瘰

肉化為
水類

鍼灸法

鼻流清涕濁涕灸上星二七壯又取人中風府
不愈又取百會風池風門大顛

香臭取迎香上星合谷不愈灸人中風府百勞前
谷

鼻中瘰肉取風池風門風府人中
膠棘鼻涕多宜灸顛會前頂迎香

口舌



口曰玉池

黃庭經曰玉池清水灌靈根註曰玉池者口也清水者津液也靈根者舌也

舌屬心

內經曰心在竅為舌又曰心氣通於舌心和則舌能知五味矣△舌者心之苗也△舌為心

之官主嘗五味以布五臟焉心之本脉繫於舌根脾之絡脉繫於舌傍肝脉循陰器絡於舌本腎之津液出於舌端分布五臟心實主之三經為四氣所中則舌卷不能言七情氣鬱則舌腫不能語至如心熱則舌破生瘡肝壅則出血如湧

口唇屬脾

內經曰中央黃色入通於脾開竅於口故病在舌本又曰脾主口又曰脾在竅為口△難

經曰脾氣通於口脾和則能知五味矣△心主舌脾主唇口心脾二氣恒相通也△唇屬脾風則腫動寒則掀縮熱則乾裂血虛則無色氣鬱則瘡腫唇有病則隨證以治脾可也△六腑之華在

脉法

左寸洪數心熱口苦右寸浮數肺熱口辛左關弦數膽虛口苦洪實則肝熱口酸右關沉實脾熱口

口舌主五味

知五穀之味△口之味熱勝則苦寒勝則鹹宿食則酸煩躁則澀虛則淡疴則甘勞鬱則口

臭凝滯則生瘡口之津液通乎五臟氣偏勝則味應乎口△傷胃陽虛則口中無味傷腎陰虛則口中有味△龍腦雞蘇元治胃熱口臭肺熱

口酸

肝熱則口酸木乘脾口亦酸小柴胡湯加草龍膽青皮甚者宜當歸龍蒼丸

更醫寶鑑

卷二 外形篇

三



口苦

心熱則口苦或生瘡宜涼膈散枳實瀉心湯枳實

肝移熱於膽則口亦苦宜小柴胡湯加麥門冬酸

棗仁地骨皮遠志研△內經曰有病口苦者名曰

膽瘴此人數謀慮不決故膽虛氣上溢而口為之

苦△又曰肝氣熱則膽泄口苦筋膜乾釋曰肝主

謀慮膽主決斷盛汁三合膽或不決為之急怒則

氣上逆膽汁上溢故口苦宜龍膽瀉

肝湯主之關△苦宜益膽湯傷

脾熱則口甘或臭宜瀉黃散枳實瀉心湯△內

經曰有病口甘者病名為何此五氣之溢名曰脾

瘴瘴者熱也△胃熱則

口甘胃虛則口淡

肺熱則口辛宜甘苦湯嘔瀉白散

五方觀△肺熱喉腥宜服加減瀉白散

口鹹腎熱則口鹹宜滋腎丸助

龍膽瀉肝湯

治口苦柴胡一錢黃芩七分生甘草人

知母各五分五味子七粒右剉作

益膽湯

治謀慮不決膽虛氣上溢口苦黃芩人參甘

草各一錢遠志七分官桂五分苦參茯苓各

三黃湯

治脾熱口甘黃連黃芩梔子石膏芍藥苦黃


一貼入烏梅一

加減瀉白散

治肺熱喉腥桑白皮二錢苦黃一錢半

五分五味子十五粒知母七分右作一貼水煎剉

服日二忌酒麪辛熱之物○一人膏梁喜飲因勞



心過度肺氣有傷以致氣出腥臭
唾稠粘口苦舌乾服此而愈

口臭

宜芎芷膏呶○口臭一證乃熱氣蘊積胃膈之間
挾熱而衝發於口也
加減瀉白散坊見○多食肉人口臭不可近宜神

功丸
甘露飲升麻黃連丸○吐膿血如肺癰狀口臭他
方不應宜消風散
兩服可除
與對語戴人曰肺金本主腥金為火所乘火主臭

應便如是也久則成腐腐者肺也此元極則反無
水化也病在上宜涌之以茶調散
七分夜以舟車丸防
芎芷膏
蜜丸化實大每一丸臨卧齋

芎芷膏

加減甘露飲

治胃熱口臭口瘡牙宜熟地黃生地
天門冬黃芩枇杷葉茵陳枳殼石斛甘
草各一兩犀角三錢右為末每二錢水煎
服此方有犀角一味甚有道理有奇效

升麻黃連丸

治口臭穢惡人不得近黃芩酒洗二兩
黃連一兩生薑泔蓮花青皮升麻各五
錢生甘草三錢白檀香二錢右為末蒸
餅和丸彈子大每一丸細嚼白湯下

口糜

口糜有口瘡糜爛也
腸隔腸不便上為口糜宜移熱湯柴胡地骨皮湯
○臙腑積熱口舌生瘡宜局方涼膈散坊
涼膈散亦可○口舌生瘡宜玉芝飲子升麻散兼

用龍石散或碧雪糝之鵬砂元含化久年口瘡宜
黑參丸呶○口瘡赤者心熱宜乳香散及天花粉
末糝之白者肺熱宜沒藥散青金散及黃栢草糝
為末糝之良久以水漱口

口瘡

外形篇

三



可擇而用之

移熱湯

治口糜心胃壅熱口瘡糜爛導赤散五苓散合四苓散枋觀各等分煎服內經曰膀胱移熱

於小腸上為口糜好飲酒人多有此疾

柴胡地骨皮湯

治膀胱移熱小腸上為口糜柴胡地骨皮各二錢半右剉作一貼煎服

回春涼膈散

治三焦火盛口舌生瘡連翹一錢二分黃芩梔子苦蕒黃連薄荷當歸生地黃

枳殼赤芍藥甘草各七分右剉作一貼水服

玉芝飲子

治膈熱口舌生瘡咽喉腫痛甘草炙二兩藿香葉石膏煖梔子各一兩右為末每

一錢新水調下

升麻散

治心脾有熱口舌生瘡破裂升麻玄參川芎生地黃麥門冬各一錢大黃黃連黃芩甘草

各五分右剉作一貼入薑三片棗二枚水煎服

鵬砂元

治口舌生瘡口臭寒水石二兩半鵬砂五錢馬牙硝一錢龍腦麝香各五分右為末以甘

草五錢浸汁熬膏搜和作丸芡實大含嚥津下或取末摻之

黑參丸

治口舌生瘡連年不愈玄參天門冬麥門冬右等分為末蜜丸彈子大每噙化一九

虛火口瘡

口瘡服涼藥不愈者此中焦氣不足虛火泛上先用理中湯

陰虛者四物湯加知母黃柏虛火泛上甘草乾薑為末細嚼噙之

唇腫唇瘡

宜瀉胃湯薏苡仁湯芍藥湯○唇舌焦燥口破生瘡蓋心脾受熱所致也水浸黃連



重湯挑而飲之若大渴少飲竹葉石膏湯防靛糖

○唇瘡久不差八月藍葉搗取汁洗不過三日

差研○又白荷花瓣貼之神
效如開裂出血者即止研
瀉胃湯 治胃實熱唇口乾裂煩渴便秘大黃二錢半
葛根一錢苦黃枳殼前胡杏仁各五分右剉

作一貼入生薑
三片水煎服

薏苡仁湯 治風腫在脾唇口動薏苡仁防已赤小
豆炒甘草炙各一錢半右剉水煎服

芍藥湯 治脾火盛口唇生瘡或多食易飢赤芍藥梔
子黃連石膏連翹薄荷各一錢甘草五錢右

剉作一貼
水煎服

重唇 口唇緊小不能開合飲食不得不急治則死此亦
奇病名曰重唇又曰緊唇亦曰審唇實者瀉黃散

助瀉黃散于腫者薏苡仁湯坊見兼用黃柏散
白灰散傳之蟻○外用青皮燒灰猪脂調搽仍將

青皮灰末每二錢酒調服之○亂髮露蜂房六
畜毛燒灰猪脂調搽○又蛇脫皮或蟻螬燒為

灰猪脂
調傳

瀉黃飲子 治風熱蘊于脾經唇燥藩裂無色升麻白
芷枳殼黃芩防風半夏石斛各一錢甘草

五分右剉作一貼
入薑五片煎服

黃柏散 治唇重黃柏二兩以五倍子蜜隨僧各二錢
甘草二分為末水調塗黃柏上炙乾再塗再

炙藥盡為度然後將柏作薄片
臨卧貼唇上天明即愈

白灰散 治緊唇白布作燈炷如指大安芥及上燃炷
冷汗出拭取付唇上日二三度故青布亦佳

外形篇

三



猪脂調付
尤佳

舌腫

舌腫滿口氣不得吐者名曰木舌。木舌者，舌腫大，漸漸腫硬，滿口不熱，壅也。木舌者，舌腫硬，不和軟也。急治，卽塞殺人也。木舌者，舌腫硬，不和軟也。百草霜、芒硝、滑石爲末，酒調傳之。木舌治法：用紫雪二錢，炒硯竹瀝和勻，頻抹口中，自消。諸般舌腫，脹取龍腦破毒散，酌觀半錢，以指蘸藥擦舌上下，嚥津下。一老人舌根腫起，漸至滿口，熱甚，凶戴人曰：血實者宜決之，以鉞鍼日破八九次，出血約二三盞，漸覺腫消，痛減，去舌者心之外候，心主血，故血出而愈。柯△舌腫宜黃連湯清熱如聖散、琥珀犀角膏霜鹽散。

黃連湯

治心火舌上生瘡，或舌上腫燥裂，或舌尖出血。或舌硬黃連酒炒，或黃連酒炒麥。

門冬當歸酒洗赤芍藥各一錢，犀角薄荷甘草各五分，右剉作一貼，水煎食後服。

清熱如聖散

治舌下腫如核，大破出黃痰，後復發者。連翹一錢，半惡實黃連各一錢，天花粉。

梔子仁各七分，枳殼柴胡荆芥薄荷各五分，甘草三分，右剉作一貼，入燈心一團，水煎稍冷服。

琥珀犀角膏

治咽喉口舌生瘡，菌其效如神。酸棗仁、琥珀、犀角、朱砂各一錢，龍腦一字，右細末，蜜丸，彈子大，每一丸。

以麥門冬煎湯化服，一日用三五丸。

霜鹽散

治舌忽腫大，百草霜、青鹽等分爲末，井水調塗舌上，無青鹽則白鹽亦可。

重舌

附舌根而重生小舌，謂之重舌。鍼刺去惡血，卽愈。及上腭如此者，名曰重腭。其着齒齦上如此者，名曰重齦。皆刺之出血可也。△重舌者，心脾熱盛。

外形篇

三



也宜清黛散△舌腫滿口不能言飲食不遇名
日重舌蒲黃頻搽患處調竹瀝尤妙黃連煎湯頻
啞之以瀉心火△黃柏末以竹塗調塗又百草
霜焰硝滑石末酒調傳之△重舌用如聖勝金
錠△以開關竅燻△重舌用紫
雪△和竹瀝塗之熨其汁△

青黛散 治重舌黃連黃柏各三錢青黛馬牙硝朱砂
各六分雄黃牛黃各三分龍腦鵬砂壹分右
為末先以薄荷汁拭口中以
藥末搽之咽瘡腫亦佳△

重舌擦法 重舌極證用指去爪先于舌下筋上察至
根漸深深擦入如此三次又用指蘸水取
項後燕窠上坑中筋自上赴下至小屈深深
擦入亦三次小兒若飲乳勝前則病去矣△

木舌 與舌腫

舌衄 詳見血門

舌長舌短 舌吐不收名曰陽強舌縮不能言名曰陰強
△傷寒熱病後犯房得病名曰陰陽易舌

出數寸而死△傷寒熱病後舌出寸餘累日不
收以片腦為末搽舌上應手而縮須用五錢方愈
△一婦因產子舌出不能收周真見之以朱砂
傳其舌令作產子狀以兩女扶掖之乃于壁外置
瓦盆投地作聲聲聞而舌收矣△是厥陰氣縮
則舌卷而短厥陰者肝也肝主筋聚于陰器而絡
于舌本故肝絕則舌卷卵縮△
舌者心之官心病者舌卷而短△

舌上生胎 舌者心之官法應南方火本紅而澤傷寒邪
氣在表者舌即無胎及邪氣傳裏津液相搏

則舌生胎矣△舌上胎滑者以丹田有熱胃中
有寒邪氣相傳入裏也△寒變為熱者則舌上

外形篇

二

三



之胎不滑而澁是熱耗精液而滑者已乾也若熱聚于胃則為之舌黃金匱曰舌黃者下之黃自去若舌上黑色者又為熱之極也靈樞曰熱病口乾舌黑則死心開竅于舌黑為腎水水火相刑故知必死
○腎虛有火是為無根虛火舌色淡黑二
三點用補腎降火之藥
○舌胎用擦舌法
△凡舌黑俱係危證堆冷而滑如淡黑然者乃無根之火也

擦舌法

舌胎白而滑生薑蘸蜜擦之或以生薑蜜水洗之若舌胎黃赤燥澁者取新青布裹指蘸

冷水頻頻擦之輕者易脫重者難脫
必須火下之津液還而胎自退

舌生芒刺

舌生芒刺結熱甚也
○勞心舌生瘡菌宜琥珀犀角膏
○胎乾澁如雪宜薄荷蜜水

犀角膏
胎乾澁如雪宜薄荷蜜水
犀角膏
胎乾澁如雪宜薄荷蜜水

于舌上指之其刺立消矣神效

薄荷蜜

治舌上生瘡或曰胎乾澁如雪語話不真薄荷自然汁與白蜜等分調勻傳之良先以生薑厚片蘸蜜水指洗後付藥

薑厚片蘸蜜水指洗後付藥
△生薑蜜水指洗後用硃砂雄黃鵬砂腦麝各少許為末傳亦良

冰蘖元

治口舌生瘡粟黃柏薄荷鵬砂各等分龍腦減半右為末蜜丸彈子大喻化

口舌寸數

唇至齒長九分口廣二寸半齒以後至會厭深三寸半大容五合舌重十兩長七寸廣二寸半

寸半

失欠脫頷

凡欠伸頰車蹉跌但開不能合以酒飲令大醉睡中吹皂角末搗其鼻令嚏即自正

因欠輔車蹉不得張口一人以兩手牽其頷以漸推之則復入矣當疾出其指恐咬傷
○輔車開

東醫寶鑑

卷二上 外形篇

三



不可合南星為末薑汁調付以帛縛合二宿而愈
 去風也○領骨脫令患人坐定用手探臉百十
 遍將患人口張開用兩大拇指入患人口內拿定
 牙外用兩手指將下額往上兜即入口正矣△
 治人笑欠口不能開及卒然牙關緊急水不能入
 以致不救即取鹽梅二箇取肉擦牙即當口開若
 不能合再用鹽梅肉擦兩牙住
 候開合當止却服治風藥於三

自齧舌頰

靈樞曰帝問人之自齧舌者何氣使然岐伯
 曰此厥逆走上脉氣皆至也少陰氣生則齧
 舌少陽氣至則齧頰陽明氣至則齧唇○神聖復
 氣湯粉觀治咬頰咬唇咬舌舌根強硬如神腫

口流涎

詳見津液門

口噤不開

詳見風門

唇舌占病

脾肺病久則虛而唇白脾者肺之母母子
 皆虛不能相營故名曰法肺主唇唇白而
 光澤者吉白如枯骨者死○血氣虛怯為冷所
 乘則唇青額黑唇青為寒○足太陰氣絕又則
 唇反唇反者死唇者肉之本唇反者肉先死也
 ○舌卷而短若唇青即縮者必死肝絕故也
 傷寒熱病口如魚口不能復閉而氣出多不反者
 死○病人口張者三日死○病人口唇反人中
 滿者死○舌本爛熱不止者逆○唇口俱
 腫赤者是熱極也唇口俱青黑者寒極也

小兒口舌病

小兒口舌病小兒口舌難用藥以天南星取中心龍眼
 大為末醋調塗兒脚心甚妙○白礬或
 吳茱萸為末醋調塗脚心亦效○小兒口瘡黃
 柏青黛等分片腦少許為末竹瀝調付之○乳
 母宜服瀉心湯方觀涼膈散炒○小兒口瘡薄
 荷汁拭口內西瓜水徐徐飲之○巴豆肉一粒



擣爛黃丹少許和捏作餅外用帛護貼眉心半刻許去之立效
○重舌木舌依上法治之
○小兒弄舌者脾臟有微熱令舌絡微緊故時時舒舌出也
瀉黃散
功觀徐徐服之若大病後弄舌者凶
口舌瘡
糝付藥
宜赴宴散兼金散黃白散綠抱散碧雪

口舌瘡糝付藥

宜赴宴散兼金散黃白散綠抱散碧雪

赴宴散

治口瘡五倍子一兩黃柏蜜炙紫色滑石各五錢右為末每取半錢糝口內奇效
○又

方治赤白口瘡黃柏青黛蜜陀僧等分為末糝之
○又方治口瘡糜痛黃連黃柏黃芩梔子細辛乾薑各等分為末先以米泔嗽口後糝之
○又

方細辛黃柏炒等分為末糝口內吐涎即差
○又

兼金散

治熱毒生口舌瘡黃連細辛等分為末先以布巾蘸水拭淨患處乃糝藥吐涎即愈
○又

黃白散

治口瘡并口中疳瘡如神黃柏孩兒茶枯白礬各等分為末先以冷米湯敷口乃糝之
○又

綠花散

治口瘡黃柏蜜炙一兩青黛三錢并腦二分右為末糝患處吐出涎即愈
○又

碧雪

治口舌生瘡舌強腮腫喉閉蒲黃青黛鵬砂焯甘草各等分為末以手指糝于口中嚥津下

換金散

治毒熱口瘡乾薑黃連等分為末糝瘡上初若不堪應手即愈
○又

龍石散

治口舌生瘡咽噎腫塞寒水石三兩朱砂二錢半片腦二分右為末糝患處日三五次

乳香散

治赤口瘡乳香沒藥各一錢白礬半錢銅錄少許右為末糝之
○又

沒藥散

治白口瘡乳香沒藥雄黃各一錢輕粉半錢巴豆霜少許右為末糝之
○又

青金散

治白口瘡急惡狀如木耳五倍子青黛各四錢為末油調貼瘡上喉中瘡爛以竹管吹入



有涎吐之

口舌瘡外治法

宜茱萸散如聖散
濯足法化毒法

茱萸散

治口瘡及咽痛吳茱萸地龍等分為末米醋
末水調付足心亦愈○治滿口生瘡草烏南星
各一個生薑一塊為末每二錢醋調臨卧時貼手
足心便愈

如聖散

治小兒口爛不能吮乳巴豆一粒或二粒去
皮研爛不去油入朱砂黃丹各少許付帛上
刺開兒顛上髮貼在顛門上如四邊起粟米泡即
便用溫水洗去更用菖蒲水洗之便安如神

濯足法

治下虛上壅口舌生瘡白礬二三兩
為末用熱湯易化以浸足半日即效

化毒法

凡口瘡無問新人夜卧將自己兩丸以手
右交柔三三五十遍睡覺行之三五度便差

酒客喉舌生瘡

詳見內傷

諸蟲入口

詳見救急

補斷舌方

治大人小兒偶含刀在口割斷舌頭已垂落
而未斷用鷄子白軟皮袋了舌頭用破血丹
蜜調塗舌根斷血却以蜜調蠟稀稠得所敷在鷄
子皮上蓋性軟能透藥性故也常勤添敷三日舌
接住方去鷄子皮只用蜜臘勤敷七日全安
自行被跌仆穿斷舌心出血不止以鷄翎蘸米醋
頻刷斷處其血即止仍用蒲黃杏仁鵬砂少許為
末蜜調成膏噲化而安△活舌頭被人咬去取
諸瘡門治下疳瘡藥先以乳香沒藥煎水漱口
止痛後抹上藥即長全有效即黑鉛水銀寒水石



輕粉鵬砂五味方也。補唇舌方用鮮蟹燒灰每二錢同乳香沒藥各二錢半塗之。即生肉如多去唇舌用川烏草烏為末攤紙一條以凉水調合貼之。即不覺疼。可用刀取如流血以陳石灰塗之。即止。愈後舌硬用白鷄冠血點之。即軟。

破血丹 天花粉三兩赤芍藥二兩薑黃白芷各一兩右為末每用少許乾糝或蜜調塗之。

單方 凡三十種

白礬 治口瘡熱水半碗入白礬一撮待溫嗽口數次愈。○生白礬為末付之亦效。

膽礬 治口瘡取礬火煨為末付瘡上吐涎便差。○胆礬一塊百沸湯泡開含嗽即差。

百草霜 舌卒腫如猪泡狀。兩口不治即死。以霜細研醋調塗之。立差。

研細醋調塗舌上下脫去更付人鹽尤佳。先鉞決出血付藥尤妙。

井華水 治口臭正朝取水含口吐置廁下數度即差。

鵬砂 治舌腫脹出口鵬砂為末生薑片蘸藥搯腫處。即退。○鵬砂煅消含口中以南星為末。

醋調貼足心神效。

馬牙硝 治舌腫取硝為末付舌下日三。

升麻 治口瘡及口氣瘡。煎湯入鹽頻頻含漱。

細辛 治口臭及蠶齒腫痛。煮取濃汁熱含令吐。即差。

黃連 治口舌生瘡。以好黃連取汁。下立愈。

東醫寶鑑 卷二十一 外形篇



蒲黃

治重舌及舌生瘡微炒糝之即差。○舌腫大

益智

治心氣不足口臭益智去殼加甘草為末乾嚙下或沸湯點服。

香

除口氣臭。莖煮作羹飲及土食得。○

射干

療老血。心脾間咳唾言。語氣臭取根煮湯飲之。

香薷

治口臭甚捷。丁香不及焉。煮取汁或飲或漱為妙。

五倍子

治口瘡為末糝之便可飲食。○口瘡糜痛。五倍子一兩蜜炙黃柏滑石各五錢銅絲二

錢麝香二分半為末糝之極效。○治緊唇。五倍子訶子肉等分為末付貼唇上立效。

薔薇根

治口舌生瘡爛久不差。濃煎汁稍稍含漱。溫含冷吐即效。冬取根夏取莖葉用。

白楊樹枝

治口瘡取枝漿水煎和鹽含漱。

檳榔

治口吻生瘡白爛者燒灰入輕粉少許乾糝之。

黃栢

治口瘡如神。蜜炒為細末塗之。○黃栢醋漬。青黛為末。糝之。差。

糝之。差。

苦竹葉及瀝

治口瘡煎葉湯漱。口取瀝塗之。

蜜

療唇口瘡。常含之。

螻蛄

治口瘡以好墨研螻蛄細付之立效。蓋螻蛄走小腸膀胱其效甚速。

蛇蛻

治緊唇及重唇。重齦。燒為末先拭後付。



白梅 治口臭常含之
可以香口

柚子 治飲酒人口臭可
啖之又煎湯飲

甜瓜 主口臭甜瓜子作蜜丸櫻桃大每朝
淨漱含化一丸○口瘡燕瓜中水

西瓜 治口瘡取瓜中漿徐徐飲之
冬月則取皮燒灰噙之

人乳汁 老人患口瘡不能食
飲人熱乳甚良

亂髮灰 治口臭不可近亂髮灰一錢井花水調
下空心嚮△舌腫亂髮灰水調下翻

羊乳 主小兒口瘡爛取乳常常
含嚙又治舌腫吮之差

草麻子 治舌腫脹出口取油蘸
紙燃燒烟熏之即愈

紫蘇葉 治飛絲人口舌間生泡取
葉細嚼白湯送下立效

鍼灸法 口瘡取承漿合谷人中長強又取金津玉液各
出血○又取委中瀉後谿此二穴乃心火腎

水二經之表○胆俞小腸俞各灸七壯又刺大
衝勞宮○舌腫難言取廉泉金津玉液各以三

稜出血又取天突少商然谷風府△舌卷取液
門二間△舌縱涎下取陰谷△舌急取瘰門

或舌傍出血惟舌下廉泉穴禁鍼△緊唇不能
舌緩取風府△凡舌腫脹甚先刺舌尖或舌上

開合灸手虎口男左女右又灸承漿三壯△凡
舌腫舌下必有紫虫狀如蟻蝟有頭無尾頭

少白可燒錢烙烙頭上即消旺△舌腫如猪胞以
鍼刺舌下兩傍大脉血出即消切勿刺中央脉血

不止則死若誤刺以銅筋火燒烙之或醋調百草
霜塗之須臾自消此患人多不識失治則死

外科形篇



東醫寶鑑外形篇卷二上終

東醫寶鑑外形篇卷之二下

東醫忠勤貞亮扈 聖功臣崇祿大夫陽平君臣許浚奉 教撰

牙齒

齒者骨之餘

齒者骨之餘腎主管養呼吸之門戶也

經云腎衰則齒豁精盛則齒堅虛熱則齒動髓△牙齒骨屬腎之標也

上下齦屬手足陽明

牙齒是手足陽明脈之所過上齦

也止而不動下齦嚼物動而不止

齒病惡寒惡熱

靈樞曰胃惡熱而喜清冷大腸惡清冷而喜熱△足陽明胃絡脈入齒上縫其



病喜寒飲而惡熱飲手陽明大腸絡脈入齒下縫其病喜熱飲而惡寒飲△熱牙痛怕冷水冷牙痛怕熱水不怕冷熱乃風牙痛○胃有實熱上齒痛尤甚宜清膈散炒大黃酒蒸為君加知母石膏升麻為佐煎水頻頻含嚥即愈○上片牙痛亦屬足少陰腎經虛熱宜細辛湯下片牙痛屬手陽明虛熱有風宜白芷湯○
微惡寒飲大惡熱飲宜立效散

細辛湯 細辛一錢半蔓荊子鼠粘子各一錢升麻黃連防已各七分黃柏知母並酒炒各五分薄

荷三分葶撥一分右
剉作一貼水煎服

白芷湯 防風荆芥連翹白芷薄荷赤芍藥石膏各錢右剉作一貼水煎服

立效散 治牙齒痛不可忍微惡寒飲大惡熱飲草龍膽酒洗三錢防風一錢升麻七分甘草炙五

分細辛三分右剉作一貼水煎去滓以匙抄在口中漑痛處少頃即止如多惡熱飲加龍胆一錢

牙齒盛衰 內經曰女子七歲腎氣盛齒更髮長三歲腎氣衰髮墮齒拈入八則齒髮去去謂落也○兒髮長齒更三八腎氣平均故真牙生而長極丈夫八歲腎氣實腎氣衰髮墮齒拈入八則齒髮去去謂落也○兒生八月板齒始生真牙謂

牙齒異名 口前兩大齒謂之板齒其兩傍長者謂之牙通謂之齒其牙齒之根謂之齦亦曰牙床

脈法 右關脈洪數或弦而洪脾胃中有風熱牙痛尺脈洪大而虛者腎虛主齒動疎豁相火上炎而痛

○齒痛腎虛尺濡而大火炎尺洪疎搖豁壞右寸關數或洪而弦此屬腸胃風熱多涎

牙齒痛有七 牙齒之痛因胃中濕熱上出于牙齦之間適被風寒或飲冷所鬱則濕熱不得外達

東醫寶鑑 卷二十一 外形篇



故作痛也寒是標故外用辛溫擦漱之藥熱是本
 故內服辛涼散熱之劑○通牙方謝傳笑
 去散功見○手陽明之支脈入齒壅則齒浮虛則
 宣露挾風則上攻頭面疝墜則變成齲脫齒○齒
 病有開口呻風則痛甚者胃中有積熱也有齒根腫而
 則臭穢不可近者腸胃中有積熱也有齒根腫而
 痛者胃熱也○有痛而搖動者腎元虛也有孔而痛
 者虫蝕也○呻風痛甚開口臭穢俱宜當歸連
 翹飲○寒者堅牢而痛熱甚則齒動齒齲祖脫
 作痛不已○得清涼痛甚者為寒口吸涼風痛
 止者為熱○齒痛有風熱風
 冷熱痛寒痛毒痰瘀血虫蝕

風熱痛

風熱者外風與內熱相搏齒齲腫痛膿汁臭
 穢宜犀角升麻湯○風冷者齒齲不腫不蛀日漸動搖
 宜溫風散兼以開笑散含漱

風冷痛

宜溫風散兼以開笑散含漱

熱痛

熱痛者腸胃積熱○齒齲腫爛○氣臭穢宜涼膈散
 方規加知母石膏升麻為佐酒蒸大黃為君○

即愈○如風熱被風冷鬱而作痛宜當歸龍胆
 散○久年齒齲黑爛脫落者必吸涼稍止乃膏

梁濕熱之火調胃承氣湯○散瀉胃湯滋陰清胃
 丸○一婦人齒齲極苦須騎馬外行吸涼風則痛

止至家則痛復作此陽明濕熱之盛調胃承氣湯
 加黃連下三五行外用鹹鬼散擦牙即

愈○酒客牙疳以冷水頻含漱○寒熱皆痛

寒痛

客寒連腦頭連齒痛宜羌活附子湯○寒熱皆痛
 者為寒熱痛宜當歸龍膽散○此證與厥通頭痛同當參看

毒痰痛

熱則生痰毒氣上攻灌注經絡最能發痛外證
 痰盛咳唾○宜二陳湯○宜二陳湯○宜二陳湯



薑大棗烏梅煎服仍以薑黃草撥等分煎湯候溫以舌浸湯內涎自流出效

痰血痛

風熱挾攻齩間令血出痰滯不消掣痛鑽刺宜犀角地黃湯方或加減甘露飲方見加升麻方取五靈脂醋煎汁含嚙即效方齒痛齩數年不愈當作陽明畜血治之桃仁承氣湯方細未蜜丸梧子大服之好飲過多者多得此疾屢服有效

蟲蝕痛

凡人飲食不能潔齒腐臭之氣淹漬日久齒齩有孔虫蝕其間蝕一齒盡又度其餘至如府蠶皆其種類必殺虫而後痛止方齒病變成骨槽風出骨血露者宜玉池散方齒者齒蠹也謂齒虫蝕而痛也方虫痛宜一笑散椒鹽散蜂窩散定痛散方兼用取牙虫法

當歸連翹飲

治齒痛叩風痛甚開口臭穢當歸生地黃川芎連翹防風荆芥白芷羌活黃芩

右剉作一貼水煎服不拘時方細辛三分

風散

治風冷齒痛當歸川芎細辛白芷草撥藁本露蜂房各一錢右剉水煎服仍含漱吐之方

清胃散

治胃熱上下齒痛不可忍牽引頭腦滿面發熱其痛喜冷惡熱升麻二錢牡丹皮一錢半當歸生地黃黃連各一錢

瀉胃湯

治牙痛如神此胃熱也當歸川芎赤芍藥生地黃黃連牡丹皮梔子防風荆芥薄荷甘草各一錢右剉作一貼水煎服方

滋陰清胃丸

治陽明經血熱上下牙床腫痛紅爛肉洗生地黃酒洗梔子鹽水炒牡丹皮各一兩黃連酒炒知母葛根防風各七錢升麻白芷各五錢生



甘草節四錢右為末蒸餅和丸菜豆大米飲下百丸

定痛散

治虫牙痛甚當歸生地黃細辛乾薑白芷連翹苦參黃連川椒苦黃烏梅甘草各一錢右

剉作一貼水煎陰漱後嚥下

牙齒搖動

齒齦宜露動搖者腎元虛也宜八味丸虧覲滋陰補腎

鹽散漱擦方見

○齒根動搖宜服還少丹虧覲獨

活散○周齒羊

脛骨灰二錢當歸白芷猪牙皂角

青鹽各一錢為末擦牙上

獨活散

治陽明風熱攻注齒齦宜露動痛獨活羌活川芎防風各一錢六分生地黃荆芥薄荷各

一錢細辛七分石剉作一貼水煎服

牙齒脫落

牙床腫痛動搖黑爛脫落宜清胃湯神功丸羌活散兼用固齒散玉池散防見

清胃湯

治牙床腫痛動搖黑爛脫落皆屬手足陽明

各一錢生地黃酒洗黃連炒各八分升麻白芍藥煨苦黃各七分藿香五分甘草三分右剉作一貼水煎食

遠服

神功丸

治多食肉人口臭不可近牙齒疳蝕脫落升

黃連縮砂各五分生地黃酒洗甘草生各三分右為末蒸餅和丸菜豆大白湯下一百丸

羌活散

治風濕寒犯腦痛牙齒齦動搖祖脫柴胡五

錢半草薹一錢當歸身六分蒼朮升麻各五分藁本白芷桂枝各三分細辛少許右為末溫水漱



口淨擦之其痛立止

塞耳鼻止牙痛方

宜用雄黃定痛膏殺虫丸塞耳鼻藥哭來笑去散治牙疼方

雄黃定痛膏

治牙痛大蒜二枚細辛焰硝各三錢雄黃一錢猪牙皂角四錢右為末蒜膏搗

為丸梧子大每一丸將綿子裹藥左邊牙疼放在左耳右邊塞右耳良久痛止神效

殺虫丸

治虫牙痛好砒礬不拘多少量加黃丹少許以黃腊熔成一塊旋用旋丸如黃豆大用白

綿包裹雷尾如右牙疼則塞右耳左牙疼則塞左耳兩邊疼則塞兩耳必深入耳孔一夜其虫即死

永不復痛矣

塞耳藥

治牙疼取壁錢包胡椒末如左邊疼塞左耳右邊疼塞右耳手捲梳之側卧少刻額上微汗

天來笑去散

治牙齒痛神效雄黃乳香胡椒麝香藜撥良薑細辛右等分為末每用少許吹

男左女右鼻中立止如牙痛臉腫用紙卷藥末在內作條醮香油點着燎牙痛處條燒盡痛即止

治牙疼方

雄黃沒石各一錢細辛半錢右為末若左邊痛搗右鼻又吹入左耳

若右邊痛搗右鼻又吹入左耳

出牙蟲殺蟲法

治蛀虫小瓦片上置油拌葦子燒烟閣在水碗上恰用漏升覆之以蛀牙受漏

升口中烟其牙內虫如針者皆落水碗中累效

治牙虫痛葦菜頭連根洗淨插爛同人家擗板上坭和勻搽痛處腮上用帛貼之一時頃取出細虫在坭上出可以絕根



草以苦瓠葉三十枚洗露一宿平朝取草屈長一寸廣一寸厚五分以瓠葉裹縛作裹子取醋浸之至日中取兩裹炮令極熱貼山肉齒外熨之冷則易取銅器盛水解裹洗之得虫多至三四少則一二十枚老者黃赤色少者白色針之又方莨菪子三合盛甌內將青銅錢十文燒令赤投甌中候莨菪子作聲有烟出以筆管引烟熏于痛齒虫出痛即止無莨菪則用葱子莖子亦可出虫針

韭子丸

治虫牙痛韭子全蠲各一兩乳香雄黃各二錢半右為末熔黃蠟和丸彈子大磁甌內燒灰丸以帚蓋口以筆管引烟熏牙孔其虫盡出以藥瓶安于水中其虫撲在水中針

一笑散

治虫牙痛不可忍神效川椒為末巴豆一粒研成膏和飯作丸綿裹安于蛀孔內即愈

牙齒疳蠶瘡

宜血竭散神功丸治牙疳藥之六泡瘡後牙疳詳見瘡類

蠶散

治牙疳惡瘡久不差滿黃一錢龍骨枯白蜜各一錢寒水石煨四錢血竭五分右為末取少許糝瘡上以帛封貼

麝香散

治疳蠶牙齦臭爛出膿水枯白礬青黛胡黃連蘆薈各二錢半蝦蟆灰半錢麝香二分半右為末每半錢糝付患處加梧桐淚二錢半尤妙

治牙疳藥

信砒毒黛輕粉各一錢麝香五分右為末香油攤帛上用木槌槌實收起臨臥以漿水漱淨可瘡口大小以藥帛封之至曉去藥帛漱淨勿嚥三次必效

齒黃黑

牙齒黃黑不瑩淨石膏細末砂鍋細末各二兩零陵白芷青鹽升麻各二錢半細辛一錢麝香半錢右為細末每早晨取少許擦齒上溫水漱口吐出名白牙藥



消齒壅法

齧間努肉漸長此乃齒壅取生地黄汁一鍾
皂角數片火上炙熟淬地黃汁內再炙又淬
以汁盡為度晒為末傅之即縮臥○一婦人平日
好食動風物尤嗜蟹一日齒間壅出肉漸大不能
開口有一道人傳此方即愈
或朴硝為末付之亦消

牙齒漸長

牙齒逐日漸長開口難為飲食蓋髓溢所致
只服白朮末和水服及煮水灌漱自愈

鬪齒

牙齒被傷打發家點椒五錢天靈蓋紅內消白芷
各二錢右為末齒動擦上即安或已落有血絲未
斷者亦可慘藥齒齧間之取○治打傷搖動
牙齒蕪藜根燒灰貼動牙即牢名蕪藜散

齒血

詳見血門

齧齒

凡人睡中上下齒相磨切有聲謂之齧齒亦口戛
齒亦曰咬齒治法取患人卧席下塵一捻納口中

勿令知即差齧○傷寒熱症
咬齒及小兒咬牙並見各門

去痛齒不犯手方

取疼痛齒不犯手川椒細辛各一兩
草烏華撥各五錢右為細末每少許

指痛齒自落

○取蛙牙法鵬砂朱砂各一錢
砂二錢川烏尖七箇附子尖十四箇蟬酥七個砒

二錢右五月五日合為末取少許指牙上牙落後
以防風荆芥甘草煎湯漱吐

○落牙方馬肉剉
入兩信砒巴豆肉各五錢為末右
候出虫焙乾研末擦牙疼處

○取牙方龍肝
龍肝納胆內陰乾為末用時宜些少點牙根上即
落切忌墜

人二種
陳石灰 雁胆一箇收

落齒重生方

雷公曰長齒生牙賴雄鼠之骨末牙齒若
拆多年不生取雄鼠脊骨作末指拆處齒

東醫寶鑑

卷之六 外形篇



立生如故。○牙落重生方：雄鼠一部，取骨法取鼠，剥去皮用礪砂擦上三日，肉爛化盡。骨瓦上焙乾，用香附子一兩，白芷川芎桑白皮地骨皮蒲公英川椒旱蓮草青鹽川皮各三錢，右為細末，擦百日，其齒復生。良驗。○又方：取未開眼嫩老鼠三四個，外用白芷白芨青鹽細辛當歸熟地黃各五錢，先將五味研為末，入地黃搗爛如泥，和勻作一餅，包老鼠在內外，用濕帛包裹，文武火燒盡，烟絕，取出研為末，擦上，即生牙。○又方：雄鷄糞雌鷄糞各十四顆，右炒乾研末，入麝香少許，先于齒不生處，以鍼刺令血出，搽藥，老人二十日，少者十日，當出不拘傷損及自落者，皆生。針。○烏鷄雄雌糞皆畜收之，舊麻鞋底三物燒為末，入麝香之一月，生齒名雄雌散。針。

食酸齒齲 人多食酸便牙齒軟，謂其水生木，水氣弱木盛，故如是。○齒齲細嚼胡桃肉解之。林。

齒痛塗擦方

齒痛宜謝傳笑去散香椒散。○**謝傳笑去散** 治牙齒痛，乳香沒藥雄黃胡椒兩頭尖，烏藥右等分為末，擦患處，吐涎即愈。○**香椒散** 治冷證齒痛，香附子川椒破故布各二錢，蕪撥一錢，右為末，入炒鹽二錢，擦牙上，齧。

方腎虛胃熱牙痛方固齒散

謝傳笑去散

治牙齒痛，乳香沒藥雄黃胡椒兩頭尖，烏藥右等分為末，擦患處，吐涎即愈。

固齒散

大鼠一個，去肉取骨，川椒炒乳香各二兩，香附子炒白茯苓炒青鹽各一兩，右為末，每日

擦牙永無齒病

香椒散

治冷證齒痛，香附子川椒破故布各二錢，蕪撥一錢，右為末，入炒鹽二錢，擦牙上，齧。

馘兔散

治胃熱牙痛，黃連胡桐淚荆芥穗薄荷升麻羊脛骨灰等分，麝香少許，為末，擦之神效。

蝎梢散

治大寒犯腦牙痛，羊脛骨灰二錢，半麻黃一錢，半草豆蔻皮一錢，羌活五分，桂枝升麻防

東醫寶鑑

卷二十一 外形篇

九



風藁本黃芪各三分白芷當歸身柴胡各二分全蝎梢少許右為末擦牙上疎

細辛散

治大寒犯腦頭連齒痛麻黃三錢桂枝羊脛骨灰各二錢半羌活草荳蔻各一錢半當歸四分藁本蒼朮各三分防風柴胡升麻白芷各二分細辛一分右為末先以溫水漱口以藥擦之

當歸龍膽散 治寒熱齒痛升麻麻黃草龍膽黃連草荳蔻各一錢生地黃白芷當歸梢羊脛骨灰各五分右

擦牙方

凡牙齒痛必用胡椒華撥能散其中浮熱監為末擦之

類牙痛用清涼藥使痛甚者宜從治之草撥細辛川椒荆芥薄荷樟腦青鹽為末擦之

擦牙方

凡牙齒痛必用胡椒華撥能散其中浮熱監為末擦之

芥薄荷細辛胡椒等分麝香少許為末擦牙熱加馬牙硝冷加川椒

擦牙止痛方 黃蠶蜂窠一個以川椒填滿其窠更以白鹽一錢封口燒存性入白芷羊脛骨灰各一錢同研為末先以茶清漱口乃擦之有孔則以藥塞其孔立愈

腎虛胃熱牙疼方

羊脛骨灰四兩石膏五兩升麻生地黃各五錢黃連一錢胡桐淚三錢龍胆草半錢右為末擦牙以水漱去

齒病含漱方 宜用玉池散荆芥湯開笑散椒鹽散蜂窩散牙疼驗漱藥

玉池散

治風虫牙痛動搖潰爛或變成骨槽風出膿血骨露地骨皮白芷細辛防風升麻川芎當歸槐花藁本甘草各一錢右剉作一貼

開笑散 治風冷齒痛白芷細辛良薑華撥川椒香附子露蜂房各等分右為末每三錢水煎含漱

人生薑

人生薑三片黑豆百粒煎熱漱冷吐

開笑散

治風冷齒痛白芷細辛良薑華撥川椒香附子露蜂房各等分右為末每三錢水煎含漱

子露蜂房各等分右為末每三錢水煎含漱

開笑散

治風冷齒痛白芷細辛良薑華撥川椒香附子露蜂房各等分右為末每三錢水煎含漱



或擦之搥

椒鹽散 治虫牙痛川椒白鹽露蜂房各一錢
右剉入葱白三莖煎水熱漱冷吐搥

蜂窩散 治風牙虫牙痛不可忍露蜂房白蔘藜川椒
艾葉葱根荆芥細辛白芷各一錢右剉水醋

同煎熱漱
冷吐搥

牙疼齧漱藥 蜂房一個每一孔內納胡椒川椒各一
粒用碗盛之入水令滿加黃柏加指大

三片于內以碟蓋住用帛封固重湯煮
一炷香盡取出候溫齧漱良久吐之齧

脩養固齒法 凡暑毒酒毒常伏于口齒之間莫若時時
洗漱之為愈也晨起洗畢灌漱一口吐出掌中就

掌脩眼自覺光明終身行之可為妙法搥○齒宜

朝暮叩以會神一云以集身神若卒遇凶惡當叩
左齒三十六名曰打天鍾若辟邪穢叩右齒名曰

搥天磬若存念至真叩中央齒名曰鳴天鼓蟻○
凡人患齒不能食果菜者皆齒露也為鹽湯含漱

叩齒神效○每晨起以一捻鹽納口中以溫水
含指齒及扣齒百遍為之不絕不過五日齒即牢

蜜針○凡飲食訖輒以濃茶漱口煩膩既去而脾
胃不知凡肉之在齒得茶漱滌不覺脫去而不煩

挑剔也蓋齒性便若緣此漸堅牢而齒蠹且自去
矣○食畢漱口數過齒不蛀養生家晨興叩齒

永無齒疾○附齒有黃黑色物似爛骨之狀者
名為齒牀治齒者先看有此物即用瘠刀掠去之

否則齒不着齦也針○一人中年得風疾上下齒
常磨切相叩甚有聲響緣此得壽一百二十歲櫪

齒病禁忌 齒病勿食油及乾棗針○患齒者忌脂麻油
乾棗及桂心若犯之即重發針○凡人好患

東醫寶鑑 卷二十一 外形篇



齒病多由月蝕夜飲食之所致也
所以日月蝕未平時特忌飲食鈺

視齒色占病

病人唇腫齒焦者死脾腎絕也
齒忽變黑者十三日死少陰絕也

單方

凡二十七種
有如神散

白礬

治牙齒腫痛枯白礬露蜂房等分爲末每二錢水煎熱痛處冷吐之

雄黃

殺齒虫取爲末和棗肉作丸塞虫孔

膽礬

治虫牙痛○齒痛落盡膽礬末和人乳汁擦病齒上及孔中日三痛止齒復生百日如故

白鹽

治齒根宣露動搖以鹽末擦之熱湯含漱百遍不過五日齒即牢固

○百荷鹽末擦牙固齒尤良

青鹽

入腎入骨能固齒擦齶並佳○治一切牙疼青鹽二兩白鹽四兩用川椒四兩煎汁拌炒二

鹽爲末擦牙上仍用溫水含漱吐之洗眼尤妙

升麻

治口齒腫痛牙根浮爛出膿血煎湯服之仍頻令漱

白蒺藜

治風牙痛及疳爲末二錢入鹽一匙水煎帶熱含漱之能止痛固齒

骨碎補

治牙齒痛動搖血出取二兩剉炒令黑色爲末鹽漱後搗齒根良久吐之

刀切片銅鍋炒以槐枝攪至微黑色住火停冷又炒至老黑色研爲末無時擦牙極能堅骨固齒痛不復作如牙動搖將落頻頻用之立住再不復動



細辛 治風冷齒痛又治牙痛
細辛白芷煎湯含漱

苦參 治齒痛煎湯日漱三升
五六日愈仍炙列穴

天仙子 即莨菪子也主齒痛出虫
○虫牙痛天仙子燒烟以竹筒

抵牙引烟薰之其虫即死永差

巴豆 治牙痛巴豆一粒煨熟去殼大蒜一瓣剉其中
安巴巴豆合定綿裹隨患處塞左右耳中

牙痛巴豆肉一粒川椒末一錢右末飯丸麻子大
綿裹塞孔中

上燒過真入孔中

胡桐淚 治風瘡齒牙疼痛骨風風勞為末擦之
○治口齒為最要之物

川椒 堅齒髮除齒痛
凡齒痛惟藉川椒麻痺熱痛勿用

川椒露 蜂房等分為末每二錢入鹽一匙水煎含漱吐之名如神散

郁李根 治齒痛堅齒
○齒齲腫痛郁李根白皮切水煮濃汁含漱冷即易吐出虫即愈

白楊樹皮 治牙痛醋煎含漱吐之
○齒痛白楊樹皮或葉煎湯含漱吐之

露蜂房 治牙齒痛煎湯含漱
○虫痛有孔蜂房細辛煎湯含漱

啄木鳥 劉木愈齲
○蛙牙有孔痛啄木鳥舌尖編裹當痛處咬之立差

燒為末納孔中不過三度差

蟾酥 主虫牙痛取少許入孔中
○牙齒痛蟾酥用銀珠摻和為丸如蘿蔔子大

外形篇

三



上患處便不疼至三九吐膿涎數口便愈

蜘蛛

治牙疳臭蜘蛛殼為末入麝香付之

杏仁

牙齦痛杏仁百枚鹽一錢水一升煮令凍出含漱吐之三度差

齒孔中能殺虫

絲瓜

性為末擦痛先以溫

性為末擦痛處立止

雄雀屎

主齩齒取屎綿裹塞孔中日一易

鹿茸

能生齒固齒令不老

羊脛骨灰

能堅齒治腎虛齒搖動常擦之

牛齒

煎熱漱冷吐且以末擦之搖動者皆牢固

馬夜眼

治風虫牙痛馬夜眼以刀刮起如米大板

鍼灸法

靈樞曰齒痛不惡青飲取足陽明上齒痛亦如

陽明有入口偏齒者名曰大迎下齒齩取之足大

陽明之別名曰偏瀝主齒寒痛宜取之

牙槽取大絡灸之治上牙痛龍京

在列缺上青脉中灸之治下牙痛承漿風府合谷

灸肩髃七壯又灸耳垂下牙盡骨上三壯

齒

痛以線量手中指至掌後橫紋折為四分去三分
將一分于橫紋後臂中灸二壯隨左右端○牙疼
屈手大指本節後陷中灸三壯初灸覺牙疼再灸
覺牙有聲三灸痛止永不復作恐足陽谿火也左
痛灸右右痛灸左○牙疼而藥不效灸耳
當三壯立止翻○口齒蝕生瘡灸承漿傳

咽候

咽與喉各異靈樞曰咽喉者水穀之道也喉龍者氣之
者音聲之關也○內經曰喉主天氣咽主地氣又
曰地氣通于隘註曰隘謂咽喉下接連會中肺氣
葉之間也隘即咽之底處也咽即隘之高處也○
喉者候也咽者嚥也咽接三腕以通胃故以之嚥
物候通五臟以系肺故以之候氣氣喉穀咽皎然
明白○咽者胃之系喉者肺氣之所通咽以候

物喉以候氣理一而分殊也
指○咽者嚥物之門戶也

咽候會巖與舌其用不同

咽與喉會巖與舌此四者同
在一門而其用各異喉以納

氣故喉氣通于天咽以納食故咽氣通于地會巖
管乎其以上以司開闔掩其喉則其食下不掩之則
其喉錯必舌互上齶則會巖能開其喉矣
四者交相為用闕一則飲食廢而死矣

咽喉度數

靈樞曰咽門重十兩廣二寸半至胃長一尺
六寸○喉龍重十二兩廣二寸長一尺二寸

解○仙經曰絳宮重樓十二
吸人之喉龍管有十二節

脈法

兩寸脈浮洪而溢者喉痺也脈微而伏者死
○咽候之脈兩寸洪溢上盛下虛脈忌微伏

咽候之病皆屬火

內經曰一陰一陽結謂之喉痺
註曰一陰謂心主之脈一陽謂三焦

外

下外形篇

左



之脉也三焦心主脉並絡喉氣熱內結故為喉痺
 ○一陰肝與心包一陽胆與三焦四經皆有相火
 火者痰之本痰者火之標也少陰君火少陽
 相火二脉並絡咽喉君火勢緩則熱結而為疼為
 腫相火勢速則腫甚不仁而為痺痺甚不通而痰
 塞以死矣厥○咽喉之疾皆屬火熱故數種之名
 輕重之異乃火之微甚故也微而輕者可以
 緩治甚而急者惟用砭刺出血最為上策輕
咽喉病名
 咽喉之病有單乳蛾雙乳蛾單喉閉雙喉閉
 纏喉風急喉痺懸雍垂梅核氣尸咽穀賊骨
 鯁咽痛咽瘡○咽喉病十八種後世強名者故不錄
 能殺人龍○咽喉病十八種後世強名者故不錄

單乳蛾雙乳蛾喉閉

其形似乳蛾一為單二為雙纏○單蛾風者其形
 圓如小筋頭大生於咽喉關上或左或右關下難
 治雙蛾風者有兩枚在喉關兩邊亦圓如小筋頭
 大關下難治纏○其乳蛾之差小者名曰喉閉纏
 ○喉痺多是痰熱纏○纏喉風喉閉之證皆由隔
 間素有痰涎或因酒色七情不節而作火動痰上
 壅塞咽喉所以內外腫痛水漿不入可謂危且急
 矣研○喉痺者謂喉中呼吸不通言語不出而天
 氣塞也纏○宜用如聖勝金錠解毒雄黃元牛黃
 涼膈元七寶散膽礬散雞內金散備急丹龍腦膏
 青龍膽吹喉散實火宜清
 涼散虛火加味四物湯

如聖勝金錠

治咽喉急閉并單蛾雙蛾結喉重舌木
 舌等證硫黃川芎臘茶薄荷川烏硝石
 生地黃各等分為末生葱汁和勻一兩分作十錠
 每取一錠先以凉水灌漱次嚼薄荷五十葉却用



藥同嚼以井水嚥下
甚者連進三服

解毒雄黃元

治喉閉口噤水漿不下危急者雄黃水
飛礬金各二錢半巴豆十四粒去皮油
右為末醋麩糊和丸菜豆大茶清下七丸如口噤
則以醋磨化搐入鼻中須臾吐利頑痰即醒

牛黃涼膈元

治咽喉腫痛口舌生瘡頰赤腫熱痰
壅塞馬牙硝寒水石煨石膏煨各二兩
甘草灸一兩牛膽南星七錢半紫石英煨水飛五
錢牛黃龍腦麝香各二錢半右為末蜜和兩作三
十九丸每一丸薄
荷湯嚼下

七寶散

治喉閉及雙單蛾猪牙皂角一錠全蝎十箇
去毒鵬砂雄黃白礬胆礬各一錢右為細末
每取一字吹入
喉中即愈

膽礬散

治咽喉癰腫塞胆礬半錢全蝎二個右為末
以鷄羽蘸藥入喉中須臾破開聲出次用生
荷葉研細井水調下吐出
毒涎即愈未吐再服

鷄內金散

治喉閉單雙蛾蠟月鷄胔裏黃皮陰乾
細末一錢菜豆粉三錢右生蜜和作三丸
噙化神
效

備急丹

治咽喉閉青黛 硝白礬各一兩甘草四
兩右為末腊月牛胆有黃者盛藥陰四十九
日為末吹入
喉中神效

龍腦膏

治喉癰腫痛薄荷葉一斤甘草三兩防風川
芎苦黃各二兩焰硝一兩白豆蔻三十粒縮
砂五粒片腦一錢右為末
蜜丸彈子大噙化嚥下



青龍膽 治咽喉閉塞腫痛及單雙蛾神效胆礬盛于
青魚胆內陰乾為末吹入喉中立效無青魚

則蠡魚胆代之
臘月甚佳

吹喉散 治咽喉腫閉塞胆礬五錢無胆礬則代以綠
礬入青魚膽內風乾無青魚則代蠡魚胆巴

豆七個去殼焯硝二錢半另研銅青一錢輕粉五
分青黛一字右將胆礬同巴豆于銅銚內飛過去
巴豆合焯硝等四味再入麝香少許每
用一字吹入喉中吐出痰血立愈

清涼散 治實火咽喉腫痛苦黃一錢半梔子連翹黃
芩防風枳殼黃連當歸生地黃甘草各七分

薄荷白芷各三分右剉作一貼
燈心一團細茶一撮水煎服

加味四物湯 治虛火喉痺喉痛喉瘡最能降火苦黃
甘草各一錢半熟地黃白芍藥各七分

當歸川芎黃柏蜜水炒知母天花粉各五
分右剉作一貼水煎入竹瀝一鍾服

急喉痺 靈樞曰瘡發咽嗌名曰猛殖此疾治遲則咽塞
咽塞則氣不通氣不通則半日死○喉閉而暴

發暴死者名曰走馬喉痺○夫喉之為會厭者
經謂之吸門是也以其司呼吸主升降為人身緊
關之橐鑰門戶也若夫卒然腫痛水漿不入言語
不通死在須臾誠可驚駭○宜速用鍼法吐法
以救之藥不得下當以曲竹管灌藥人喉為妙
○急喉閉其聲如鼾有痰在喉響者此為肺絕
之候宜人參膏救之用薑汁竹瀝放開頻服之
如未得參膏先煎獨參湯救之早者十全七八次
則十全四五遲則十全一也○孫兆治潘元
從急喉以藥半錢吹入喉中少頃吐出膿血立愈
潘謝曰大急之患非明公不能救非藥不能療贈
金百兩願求其方孫曰猪牙皂角白礬黃連等分

瓦上焙為末耳既授以方不受所贈翻○牙關緊者須開關用一字散二仙散毒結宜如聖勝金錠解毒雄黃元財龍腦破毒散奪命散玉鑰匙金鑰匙巴豆烟○挫喉氣不通冷水徐灌之

龍腦破毒散

治急慢喉閉腫塞不通芒硝四兩青黛白僵蠶甘草各八錢蒲黃五錢馬勃三

錢龍腦麝香各一錢右為末每一錢井水調膏細嚥即吐出血便愈如不是喉痺自然消散也無芒

硝代以焰硝

一字散

治急喉纏喉風咽喉堵塞水穀不下牙關緊者不省人事猪牙皂角七錢雄黃二錢生白

礬藜蘆各一錢喝梢七枚右為末每一字吹入鼻吐痰

二仙散

治急喉閉及纏喉風危急膽礬一錢白僵蠶一錢右為末吹少許入喉中

奪喉散

治急喉閉枯白礬白僵蠶炒鵬砂皂角各等分右為末吹少許入喉中痰出即差

玉鑰匙

治急喉閉及纏喉風焰硝七錢半鵬砂二錢半白僵蠶一錢二分半龍腦一字右為末以

竹管吹半錢入喉中神效

金鎖匙

治急喉閉纏喉風朱砂三分二厘枯白礬胆礬麝香各一分六厘鵬砂一分二厘熊胆焰硝片

末吹半錢入喉中

巴豆烟

治喉閉危急宜開關巴豆肉以帛壓取油用帛作捻子點燈吹滅以烟熏鼻中一時口鼻

流涎牙關自開○又方巴豆肉綿裹隨左右塞關奪門之將熱則流通之○巴豆乃斬理以熱攻熱不防碍也



纏喉風

熱結咽喉腫遠于外且痛且痒腫而大者名曰纏喉風纏喉風自耳邊過順下赤鬼者是也

也大槩內外皆腫者為纏喉風也○纏喉風之證先兩日胸膈氣緊不出氣短促忽然咽喉腫痛手足厥冷氣閉不通頃刻不治○纏喉風屬痰熱其咽喉裏外皆腫者是也○宜用解毒雄黃元如聖勝金錠龍腦破毒散一字散二仙散玉鑰匙巴豆烟匙坊雄黃散佛手散白礬散冰梅丸方見下兼用針法吐法乃效

雄黃散

治纏喉風危急巴豆七粒三生四熟生者去殼生研熟者去殼燈上燒存性研乾桑黃茹

二片雄黃一塊細研鬱金一枚研右再研細每服半字茶清少許調下如口噤咽塞以竹管吹入喉中須臾吐利即安矣

佛手散

治纏喉風神效芒硝一兩白殭蚕五錢甘草

閉甚以竹管吹入

白礬散

治急喉閉及纏喉風白礬三錢巴豆三個去殼分作六片右銚器同炒候礬枯去豆取礬

為末水調灌下或吹入喉中或烏鷄子清調灌入喉中

懸雍垂

懸雍生于上腭雖不關于咽喉所以暴腫者抑亦熱氣使然也○懸雍謂之帝鍾懸雍腫而垂下有長數寸者謂之帝鍾風宜用鹽礬散不可

針破針則殺人○懸雍者音聲之關若臙府伏熱上衝咽喉則懸雍或長而腫也宜吹喉散玄參散鵬砂散○腎傷寒咽痛及帝鍾腫者忌針以蛇床子于瓶中燒烟令病人吸入喉中立愈



鹽礬散

治懸雍垂長咽喉妨悶鹽化白礬枯右為末以筋頭蘸藥塗其上即差

吹喉散

治懸雍下垂腫痛及一切咽喉疾膽礬白礬焰硝片腦山豆根辰砂鷄內金焙右為極細末以竹管吹少許入喉中即效

入喉中即效

玄參散

治懸雍腫痛垂長玄參一兩升麻射干大黃酒洗各五錢甘草炙二錢半右剉五錢水煎

微溫時時含嚥

鵬砂散

治同上鵬砂馬牙硝滑石塞水石各五錢龍腦白礬各三錢右細末新水調半錢

梅核氣

七情氣鬱結成痰涎隨氣聚積堅大如塊在心腹間或塞咽喉如梅核粉絮樣咯不出嚥不下

每發欲絕逆害飲食宜四七湯賜斂方男女或有留喉之間梅核作恙者觸事勿怒飲食勿冷

●梅核氣者窒碍于咽喉之間咯不出嚥不下如梅核之狀是也始因喜怒太過積熱蘊隆乃成厲

痰鬱結致斯疾耳宜加味四七湯

加味四七湯

治梅核氣妙不可述紫蘇葉半夏厚朴赤茯苓陳皮枳實南星縮砂神曲各一

錢青皮七分白豆蔻六分檳榔益知仁各三分右剉作一貼薑五片水煎服

加味二陳湯

治同上二陳湯加枳殼苦黃黃芩梔子蘇子白豆蔻各七分右剉作一貼入薑

三片水煎服

尸咽

尸咽者陰陽不和脾肺壅盛風熱毒氣又不能通故令尸虫發動上蝕于喉或痒或痛如蠶之候也

○與傷寒狐惑同當參考



穀賊

穀賊者穀芒強澁藏于米而誤食之滯于咽門不能傳化故風熱並聚與血氣遂令肺刺也不急治亦能殺人○誤吞稻麥芒在咽間不下急取鷺口中涎灌之即下蓋鷺涎能化穀也

治穀賊方

琥珀松脂各五錢礪砂二錢半乳香一錢化嚥津○又方馬牙硝研細綿裹半錢含化嚥津以差為度又鍼刺痛處出黑血鹽湯漱口

咽喉痛

咽喉痛云噎痛者謂咽喉不能納唾與食而地氣閉塞也云喉痺咽喉噎痛者謂咽喉俱病天地之氣並閉塞也蓋病喉痺者必兼咽喉噎痛病咽噎痛者不能兼喉噎也○咽喉痛者風邪客于喉間氣鬱而熱故為咽痛○咽喉乾枯常如毛刺吞嚥有碍者風燥也荆防敗毒散○咽喉痛鵬砂或和膽夏倍苦黃入生薑煎服○咽喉痛鵬砂或和膽礬白廔蠶白梅肉和含又必用荆芥玄參

喉痛宜上清元加減薄荷煎元龍腦膏○見荆芥湯必用方甘桔湯金消丸清火補陰湯絳雪散

上清元

治咽喉腫痛口舌生瘡能○神薄荷葉一斤縮砂四兩甘草二兩防風黃芩苦黃各一兩

加味薄荷煎元

治風熱咽喉腫痛薄荷葉八兩防風川芎白豆蔻各一兩縮砂甘草各五錢○龍腦五分苦黃二兩右為末蜜和

荆黃湯

治風熱結滯咽喉腫痛大便祕澁荆芥四錢大黃一錢○右剉水煎空心服

必用方甘桔湯

治風熱咽喉腫痛或喉痺神效苦黃二錢甘草荆芥防風黃芩薄荷各一錢○右剉作一貼水煎徐徐服



金消丸

治咽喉腫痛黃柏荆芥射干黃芩各等分右為末蜜丸桃大每一丸含化

清火補陰湯

治虛火上炎喉痛喉閉或生瘡玄參錢白芍藥熟地黃各一錢當歸川芎黃

柏童便炒知母生天花粉甘草各七分右判作一貼水煎入竹瀝二匙溫服

方見加苦蕒荆芥黃柏知母水煎服立已

絳雪散

治咽喉熱痛腫塞寒水石煨五錢鵬砂馬牙硝朱砂各一錢龍腦半錢右為細末每一字

滲入口中燕津指

傷寒咽痛

傷寒陽毒陰毒皆有咽痛詳見本門

覺旬月乃發先發咽痛次必下利脈微弱古方謂之腎傷寒宜用半夏桂甘湯

宜甘苦湯苦蕒湯荆芥湯防見

半夏桂甘湯

治腎傷寒咽痛半夏薑製桂枝甘草各二錢右判作一貼入薑五片同煎候冷

徐徐呷之

甘桔湯

治少陰客寒咽痛苦蕒三兩甘草一兩右判五錢水煎徐徐服之加鼠粘子竹茹各一錢

治咽痛尤妙

苦蕒湯

治同上苦蕒一兩甘草二兩右判五錢水煎如上法服之

咽喉瘡

咽喉瘡者胃腕實熱熏灸上焦發為白頭赤根宜發聲散

客於咽喉宜用人參荆芥蜜炙黃柏關咽喉生瘡勿用生薑辛辣故也



輕粉毒氣流注多作咽瘡潰爛詳見諸瘡門○咽瘡宜用利膈湯牛蒡子湯清火補陰湯加味四物湯坊見通隘湯防見佛手散發聲散治喉痺生瘡方

利膈湯

治咽瘡生瘡薄荷荆芥防風苦黃人參鼠粘子炒甘草各一兩右為末一錢沸湯點服

咽痛加白
僵蠶草

牛蒡子湯

治咽瘡腫痛牙關緊急或生瘡癰或愈後復攻胸膈氣促身熱不能坐卧牛蒡子二

錢玄參犀角升麻黃芩木通苦蕒甘草各一錢右剉水煎食後服

佛手散

治風熱咽瘡腫痛生瘡薄荷葉二兩芒硝一兩甘草七錢苦蕒蒲黃各五錢青黛二錢右

為末取少許乾摻或
以竹管吹入喉中

發聲散

治咽痛生瘡妨悶黃瓜蔓大者一個苦蕒七錢半白殭蠶炒五錢甘草炒二錢右為末每

取少許乾摻如咽瘡腫痛右左有紅或一邊紅紫長大此藥加朴硝一錢和勻摻之如喉中有小白

頭瘡前藥入白礬末半錢和摻

治喉痺生瘡方

喉痺乳蛾腫痛生瘡潰爛水漿不入死在須臾用巴豆肉細辛等分為末

用紙捲藥在中兩頭燃緊從中剪斷塞入兩鼻中一時頭頂米涼咽喉即開

喉痺失音

咽喉生瘡令閉聲不出者秘傳降氣湯筋肌去陳皮加黃芩服之曾服涼藥自利聲音有

壞者亦用秘傳降氣湯救之咽痺失音宜用通隘湯增損如聖湯荆芥湯通關飲苦蕒湯神效

散○喉閉生瘡失音
聲服紫雪神效



通隘散

治喉痛生瘡聲啞白鵬砂二錢孩兒茶青黛滑石寒水石各一錢蒲黃馬牙硝枯白礬各

六分黃連黃柏各五分并腦二分右細末煉化白砂糖和丸芡實大卧時舌壓一九自化入喉神效

一方以葦筒吹入少許入喉中亦神效

增損如聖湯

治咽喉腫痛妨悶語聲不出苦黃二兩甘草炙一兩半枳殼防風各五錢右末

三錢煎水入酥如棗許攪服

荆芥湯

治喉痺腫痛語聲不出噦之甚妙苦黃二兩甘草一兩荆芥穗五錢右為麤末每取四錢

入薑三片水煎服

通關散

治喉痺腫痛不能言語此從治之法無不愈苦黃二錢甘草炙一錢半人參白朮赤茯苓

名一錢防風七分荆芥薄荷乾薑炮各五分右剉作一貼水煎服

苦黃湯

治咽喉腫痛聲破難語苦黃甘草各一錢半當歸馬勃各一錢麻黃五分白殭蠶黃芩各

三分桂枝少許右剉作一貼水煎服

神效散

治喉痺語聲不出荆芥穗草麻肉等分為末蜜丸皂角子綿裹含化。又方猪牙皂角和

霜梅為末

天行喉痺

時行咽痛宜用普濟消毒飲子勸規。喉痺一鄉皆相似者屬天行運氣之邪火思酸藥

點之寒藥下之鬱其邪于內不得出也。天行喉痺取鴨嘴胆礬末半錢吹入喉中吐痰立愈如無膽礬以透明綠礬代之



咽喉急閉宜鍼

咽喉急閉皆屬相火惟砭刺出血最為

此疾暴者必先發散發散不愈次取痰取痰不愈

次去汚血宜鍼之○凡喉閉急證速用鍼刺出

血并豁吐痰涎為要若遲緩不救則死翻△火鬱

則發之砭刺出血即汗之義也血出多則愈有

鍼澹者薑汁調熟水時時呷之凡關上血泡最宜

鍼關下不見者令病人含水口用蘆管尖刺鼻

孔出血妙○一婦人患喉生蛾不肯刺泡九思

云我有一藥須新筆點之乃藏針在筆頭內刺血

出即愈○咽喉腫痛惟腎

傷寒及帝鍾風者忌鍼○

咽喉急閉宜吐

凡喉痺勿論大人小兒非吐不可如膽

礬石綠之類為末薄荷汁入醋同調以

雞翎蘸藥送入喉內徐徐引痰吐出為佳△喉

痺多屬痰宜用吐法△宜用吹喉散引痰直捷

法去涎方或用好

醋噙漱吐痰亦妙

吹喉散

治喉閉腫痛綠礬五錢入青魚膽內風乾巴

豆七個去殼朴硝二錢半另研銅青一錢輕

粉五分青黛少許右將膽礬同巴豆于銅銚內飛

過去巴豆合朴硝等四味再入麝香少許每用一

字吹入喉中吐

出痰血立愈○

引痰直捷法

治喉痺冬月青魚膽用白礬入內臨用

加百草霜炒鹽少許醋調以鴨毛蘸藥

引吐痰出如無魚膽用白礬半兩巴豆肉十枚同

枯過去巴豆用礬如上法吐痰神效吐後用金鎖

匙坊見吹之常服必用方

甘善湯最妙○方見

去涎方

治喉痺猪牙皂角五錢膽礬一錢半青黛五

分右為末醋糊和丸櫻桃大每一丸以熟絹



裹在筋頭上用好醋潤透將藥點在喉瘡上咬看筋其涎如水即解後服防風通聖散方觀心門

咽喉閉通治

其火性急速故病發則暴悍或針或吐以宣其毒此急則治標之法也必須兼以內經

從治之法以苦黃甘草玄參升麻防風羌活荆芥人參白朮茯苓之類少加乾薑防子為響導徐徐

頻與不可頓服此為治之大法也切不可驟用寒涼之藥殊不知上熱未除中寒復生至于發喘發

脹皆為不治之證○喉痛必用荆芥陰虛火炎必用玄參研○咽喉腫痛諸證皆用清涼散坊見

加減用之翻○通用冰梅丸龍腦川芎元清咽利膈散必用方甘苦湯坊見龍腦破毒散坊見金鎖

匙坊見琥珀犀角膏防視

冰梅丸

治十八種喉痺俱效又治喉風腫痛如神天南星三十五個大半夏白礬白鹽防風朴硝

各四兩苦黃二兩甘草一兩棟七分熟大梅實一百箇先將硝鹽水浸一伏時然後將各藥碾碎入

水拌勻方將梅實置于水中其水淹過梅子三指為度浸七日取出曬乾又入水中浸透晒乾埃藥

水乾為度方將梅子入磁罐封密如霜衣白愈佳用時綿裹喉在口中徐徐嚥汁下痰出即愈翻○

入門有皂角四兩無甘草

龍腦川芎丸

治咽喉諸病通利七竅爽氣清神除熱消痰消風化滯薄荷葉五兩三錢苦黃

一兩半川芎防風甘草各一兩白豆蔻五錢片腦三錢縮砂仁二錢右為末蜜和每兩作二十九每

一丸細嚼茶清下嚥化亦可御院中之加減薄荷煎元同而分兩異

清咽利膈散

通治乳蛾喉閉等證苦黃連翹各一錢大黃芒硝惡實荆芥各七分片苓梔子



薄荷防風玄參黃連金銀花甘草各五分其大黃
芩連梔子並酒炒右剉作一貼水煎溫服食後

咽喉不治證 凡咽喉閉毒氣歸心曾前腫滿氣煩促下
部洞泄不止者死○凡喉痺初發曾膈

氣促咽喉腫痛手足厥冷氣閉不通即死○凡
咽喉痺不可純用涼藥草藥目前取效上熱未除

中寒復起毒氣乘入腹曾前高腫上喘下泄手
足爪甲青紫七日後全不食如魚口者死○凡

魚骨鯁 凡骨鯁在咽不下用玉屑無憂散配○凡治鯁
之法皆以類推如鷓鴣治魚鯁磁石治鯁髮

灰治髮鯁狸虎骨治骨鯁各從其類也配○諸魚
膽皆下骨鯁鯁魚鱗魚鯽魚膽皆可用臘月收者

尤佳取 皂子許溫酒化呷之若得吐便出未吐
更飲溫酒但以吐為妙未吐更服韃△南鵬砂禽

化其骨脫然而失鯁△貫眾濃煎一盃半分三服
連進片時一咯而骨出鯁△縮砂甘草末綿裹含

噦即吐出研○野苧根洗淨爛搗如塊取櫻桃大
如鷄骨以鷄羹化下如魚骨以魚羹化下立出湖

△魚骨橫喉中鯉魚鱗皮燒作屑和水服即出
△魚骨在肚中刺落可煎吳茱萸汁一盞飲之骨

軟而出○荳草根汁飲之即下○海獺皮煮
汁飲水獺亦可又鷓鴣或魚狗鳥燒灰和飲服即

下韃△鳳仙花子水研取汁以匙送入咽呷下
犯齒無子用根○皂角末吹鼻得嚏即出○

獸骨 在咽不下象牙磨水嚥下梳笏皆可用○桑
木上虫屑末醋煎灌漱自下○將狗倒吊起

涎出盛梳徐徐嚥下其骨化為水如神以狗善食
諸骨也○諸凡肉骨獸骨是一對燒灰水調服

亦佳○獸骨鯁虎骨為末水調服狸骨亦可煮汁服
用線穿在內令藥送下扯

住線頭在手一嘔即出翻



玉屑無憂散

治諸骨節不下及纏喉風寒水石煨鵝

黃連甘草赤茯苓荆芥穗各五錢右
為末每一錢抄人口以新水嚥下

引鯁法

鯁在咽不下聚牛筋或鹿筋漬之索緊令大
如彈丸持筋端吞之候至鯁處徐徐引之鯁

着筋即出鯁又法綿絮一小塊以蜜煮用如上
法即出鯁嚼莖白令柔以繩繫中吞莖到鯁處

引之鯁即隨出鯁一方用莖白如上法以茶嚥
下引之亦出鯁弓弦搥令頭散吞引之亦出

呪法

治諸鯁不下以淨器盛新汲水一盞捧之面東
點念云謹請太上東流順水急急如南方火帝

符令勅一氣念七遍即吹一口氣入水中如此七
次以水與患人飲立下或云用此咒水可以食鐵

并竹刺

禮法

治鯁不下另取魚骨一根插于患
人頭髮內不必言須臾即下

誤吞諸物

誤吞金銀物在腹中取水銀服之令消并出
也○金見水銀則如坭故吞金銀物者服

半兩即消出○誤吞金銀及銅錢縮砂濃煎湯
飲之其銅自下又蒟薺研爛取之其銅自化又堅

炭為末米飲調服從大便瀉出如烏梅狀○誤
吞銅錢鉄物蒟薺恣食須臾自化去試將一錢并

蒟薺四五枚同嚼其錢立碎○多食胡桃其銅
自爛○胡粉一兩水調分再服亦出○誤吞

錢服煉蜜二升即出又飴糖一斤漸漸盡食之便
出誤吞環及釵者服之亦出○誤吞銀釵簪或

竹木不得出多食白糖至數斤當累物自出○
小兒吞錢不得出煮葵汁冷飲即出根葉子同功

○誤吞釵釵瑾白暴令萋黃煮熟勿切食一大束
釵即隨出○誤吞針磁石如棗核大磨令光鑽



作竅絲穿令含針自出
針與菜從大便而出一方用蠶豆煮熟同
法鉄斧磨水灌下亦效
○誤吞釘并箭鏃針錢
等物多食猪羊肉肥脂必自暴出
○誤吞銅鉄
莫引之急以珠璫或琥珀珠水晶珠薏苡子葦貫
着線推至鈎處引之自出
○誤吞桃杏
下狗頭煮湯摩頭上差
○誤吞髮繞喉不出亂
髮灰水調一錢服又舊木油梳燒爲末酒調服
○誤吞諸蟲
須與以清油灌口中其蜈蚣滾在血中即吐
出繼以雄黃末水調服解其毒
○誤吞水蛭入
腹久必生育食人肝血腹痛不可忍
○誤吞水蛭入
令人死用田中乾泥一小塊小死魚三四個將猪
脂燂勻用巴豆十枚去皮研爛入坭內爲丸菜豆

大用田中冷水吞下十九須與大小水蛭皆下
以四物湯加黃芪煎服調補
○水蛭入腹
濃茶多服自下
○誤吞水蛭宜食蜜即化爲水
又田中泥作丸櫻桃大白水和下一丸蛭即下
單方凡二十八種有
聖烟筒吹喉散

白礬治咽喉閉明白礬末一錢巴豆肉一粒同熬乾
取礬爲末吹入喉中涎出自愈
○纏喉風白

礬末半錢烏鷄子清一個調
勻灌入喉中立效如神

朴硝治喉痺神驗含口中細細嚥汁立差
馬牙硝煖
一粒同研新水
○咽中瘡腫朴硝一錢草麻子去皮

和服即效

鵬砂治咽喉痺最爲要切含化嚥津
○治穀賊
鵬砂馬牙硝等分爲末綿裹半錢含嚥汁搗



升麻 治咽喉痺痛到煎取汁含之

馬蘭根 治喉閉垂死取根搗絞取汁稍稍嚥之口噤者灌下葉及子同功子則取四十九枚為末

水調服葉則取二兩水煎服

牛蒡子 治喉痺取子一合半生半炒為末熱酒調下一錢又牛蒡子六分馬蘭子八分為末煖酒

調一錢服立差

苦蕒 療咽喉痛及喉痺苦蕒甘草等分水煎細呷之喉痺深腫連頰吐氣數者名馬喉痺取二兩

剉水三升煎至一升分三服

射干 主喉閉水漿不入採根搗取汁細呷之治喉痺最捷或醋同研取汁嚥引出涎更妙

草麻子

治喉痺及咽腫生瘡取子去皮一箇朴硝一錢新水同研服連進取效

馬勃

治喉閉咽痛以蜜揉拌小以水調呷○又同白礬等分為末以鵝翎管吹入喉中吐痰妙

皂莢

治急喉閉搗碎去皮子按水一盞灌下或吐或不吐即安

蠶魚胆

治急喉閉取少許點患處藥至即差病深則水調灌之

壁錢

治喉痺雙乳蛾壁錢窩一箇取患者腦後髮拔一根纏定錢窩上以銀簪挑而燒之存性為末吹入患處立消

蟾蜍

治喉痺取汁點在喉中即喉開



蛇蛻 治喉閉燒為末吹入喉中○治纏喉風氣不通蛇蛻炙黃當歸等分為末酒服一錢愈

蚯蚓 治喉閉取汁吞之喉即開

白殭蠶 治急喉閉為細末薑汁調灌下立愈○又殭蠶炒白礬生等分為末白梅肉和丸皂子

大綿裹含化

螻蛄 治咽喉哽噎又治諸物

石蟹 治咽喉腫塞擣絞取汁灌之即開

雄雀糞 治咽喉閉塞口噤取糞細研溫水調灌半錢

鷄子 開咽喉又起就熱飲醋盡一二次即差

梨花上飛蛾 治咽喉腫痛閉塞燒為末吹入喉中神效

梨汁 治喉痺熱痛上好消梨杵取汁頻飲之多服為良

蘿蔔汁 治喉痺水穀不下取汁徐徐嚥之即愈

飴糖 治魚骨鯁不下作丸如雞子黃大吞之若不大作丸嚥下之為妙

米醋 飲咽瘡治喉痺用好醋漱吐痰為妙

大麥麩 治纏喉風食不能下取麩作稀粥令嚥之既消風容易下咽以助胃氣

脂麻 治穀賊炒為末湯點服之

鍼灸法 喉閉少商合谷尺澤皆鍼之○喉痺因惡血不散故也破出惡血最為上策



鍼風府主咽喉諸病及毒氣歸心等項惡證無不效又鍼少商咽喉腫痛皆治之又鍼合谷又鍼上星治頰腫纏喉風證等又鍼足三里○喉痺刺手少陰即神門穴○喉閉刺手足少陽并即關衝竅陰墟○喉痺乳蛾取少商照海大衝墟○咽喉閉塞取照海○喉痺取豐隆涌泉關衝少商隱白少衝○愈爛○喉痺取豐隆涌泉關衝少商隱白少衝○小壯○根脚咽喉常發者耳垂珠下半寸近腮骨灸七壯二七丸妙○陽明之別名曰名豐隆其病氣逆則喉痺卒瘕宜取之

頸項

頸項寸數

結喉以下至缺盆中長四寸項髮以下至背骨長二寸小

頸項部位

前曰頸後曰項○缺盆之中任脈也名曰天突一次任脈側之動脈是陽明也名曰人迎

二次手陽明之脈名曰扶突三次手太陽之脈名曰天窓四次足少陽之脈名曰天容五次手少陽

之脈名曰天牖六次足太陽之脈名曰天容五次手少陽之脈名曰天牖六次足太陽之脈名曰天容五次手少陽

項強

諸瘕項強皆屬於濕○項強卒口噤背反張為瘕○項強乃足太陽膀胱之經足少陰腎經與

膀胱經為表裏故太陽感風濕為頸項強痛身腰反張為瘕○項強宜木瓜煎椒附散回首散羌

活勝濕湯○一人項強不能回顧動則微痛脈弦數實作痰熱客太陽經治用二陳湯劫飲加酒芍

羌活紅花二服愈○傷寒項強結曾項強瘕病亦項強並見本門

木瓜煎

治筋急項不得轉側木瓜兩箇取蓋去瓢沒藥五錢乳香二錢半並研右二味入木瓜中

用蓋蓋了竹簽簽定飯上蒸三四次研爛成膏每服三五匙地黃酒化下酒法地黃汁半盞好酒二盞相和用溫服有人患此證自午後發至黃昏時定予曰此患必從足起蓋足太陽之筋自足至項筋者肝之合也自離至兌陰旺陽弱之時故靈寶畢法云離至乾腎氣絕而肝氣弱肝腎二臟受陰氣故發於是時授此方三服而愈

椒附散

治腎氣上攻項背不能轉移大附子一箇炮去皮臍切片為末每二錢好川椒二十粒白麩填滿水一盞半薑七片煎至七分去椒入鹽空心溫服一人患項筋痛連背脾不可轉移服諸風藥皆不效予憶千金髓有腎氣攻背項一證與此方一服差蓋腎氣自腰挾脊上至曹溪穴然後入泥丸宮曹溪一穴非精於搬運者不能透今逆行至此不得通用椒以引歸經則安矣氣上逆椒

下達故服之即愈

回首散

治頭項強急筋急或挫枕轉項不得者烏藥順氣散加羌活獨活木瓜水煎服

羌活勝濕湯

治太陽經中寒濕項強或似拔不得回顧羌活獨活各二錢藁本防風甘草各

一錢川芎蔓荊子各五分右剉作一貼水煎服

項軟

項軟者天柱骨倒也宜用健骨散生筋散妨覘見小兒久患疳疾體虛不食及諸病後天柱骨倒醫者不識謂之五軟小兒因風頸起軟頭不得正或去前或去後宜用天柱元五加皮散風熱項軟合用涼肝元

天柱元

治項軟蛇含石一大塊火煨醋淬七次鬱金末少許右研細入麝香少許飯丸芡實大每



一九荆芥湯入薑汁二三點化下

五加皮散 治同上取皮為末酒調傳

風府宜護 風府穴名也在腦後內經曰巨陽者諸陽之屬也其脉連于風府故為諸陽主氣也然

則因傷寒之所自起也北人皆以毛裘之南人怯弱者亦以帛護其項俗謂三角是也凡怯弱者須護其項後可也

可也蟻

單方 凡四種

黑豆 治頭項強不得顧視豆 蒸熟納袋中枕之

桃葉 治風項強不得回顧生桃葉 蒸熟入袋着項上熨之

活鼠 項強身中急者取活鼠破腹 去五臟就熱傅之即差

草麻葉 治風濕項強常 傅之為妙

鍼灸法 項強取承漿風府 頸項痛強取通天百會 風池完骨瘻門大杼 頸項痛取後谿

頸腫取足陽明 手陽明兩經

背

背脊骨節有數 脊骨以下至尾 骨二十一節長三尺

八分七釐中七顧每顧一寸六分一釐共九寸 寸二分七釐下七顧每顧一寸二分六釐共八寸 八分二釐 共九寸八分七釐中七顧下七顧長三尺校之則上七顧 共九寸八分七釐中七顧下七顧共二尺一分三釐

東醫寶鑑

卷二下 外形篇

三五



釐合爲三尺

背有三關

問背後三關答曰腦後曰玉枕關夾背曰

路也。軀。○人之脊骨二十四節節之末名曰尾閭

穴又名龍虎穴又名曹溪路又名三岔路又名河

車路又名朝天嶺又名上天梯。○尾閭穴之骨頭

圓如鐘金上有九竅內外相連即泥丸宮也。○脊

骨兩傍三條逕路上衝直至頂門泥丸宮下降復

至丹田復連至尾閭穴。○尾閭穴乃下關也從下

至上十八節乃中關也泥丸宮爲上關此三關也。○

靈樞曰腎脈緩甚爲折脊。○內經曰寸口脈中手

脈法

促上擊者曰肩背痛。○脈大者心下有雷飲其人

背寒冷。○凡背惡寒甚者脈浮大而無力是陽虛也。

背爲胸府

背者胸中之府。背曲肩隨

背寒

內伏寒痰則寒從背起冷如掌大。○背惡寒是

痰飲仲景云心下有雷飲其人背惡寒冷如冰。○

苓丸。○蘇子降氣湯。○凡

導痰湯。○蘇子降氣湯。○凡

每日背上一條如線而寒起者痰也。宜吐下之。○

陽明證背惡寒者口中乾燥此寒熱

之辨也。○背寒宜貼禦寒膏

禦寒膏

治體虛人背上惡寒或夏月怕脫衣及婦人

產後被風冷手足冷痛至骨又治腰痛生薑

半斤取自然汁入明膠三兩乳香沒藥各一錢半

銅杓內煎化移在滾湯內頓以柳條攪至成膏又

人川椒末少許再攪勻用皮紙攤貼患處用鞋

底烘熱熨之候五七日脫下或起小瘡不妨

東醫寶鑑

卷二下 外形篇

美



背熱 背熱屬肺肺居上

背痛 背熱故熱應于背

人逆氣背痛 腎則病者喘咳逆氣肩背

痛宜用通氣 防風湯脊痛項強腰似拆項似拔宜

羌活勝濕湯 蒼術復煎湯 胡黃柏及桂少

而勝腕有火也 四物湯加澤瀉前胡木香為引痛

許有痰合二陳湯 欬加澤瀉前胡木香為引痛

甚加乳香沒藥 欬加澤瀉前胡木香為引痛

與士女刻苦者 多有此患色勞者亦患之惟灸膏

育穴為妙 欬一男子患背脚縫有一線痛起上

肩跨至胃前側 脇而止其痛晝夜不歇 診其脉弦

而數重取 豁大左大于右予意背脚小腸纏也 胃

脇膽經也 此必思慮傷心 心臟未病而小腸府

病故痛從肩脚起 及慮不能決乃歸之 膽故痛至

胃脇而止 乃小腸火乘膽木子來乘母是為實邪

詢之果因謀事 不成而病人參四分木通二分

煎湯吞龍薈丸 助

通氣防風湯

治太陽經中寒濕肩背痛不可回顧又

茂升麻柴胡各一錢 防風羌活陳皮人參甘草各

三合湯

治背脊心一點痛烏藥順氣散助 欬合二陳湯

蒼朮復煎湯

治寒濕相合腦痛脊骨脚眼痛膝臍痛

活升麻澤瀉柴胡藁本白朮各五分 黃柏三分紅

花少許 右剉入蒼朮湯內再煎至半去渣服 助



脊強

督脉之别名曰長強其病實則脊強。足太陽之脉病腰脊強痛。不可回顧。此是太陽經中濕氣鬱不行也。宜羌活勝濕湯。

也宜羌活勝濕湯。

背偃

中濕背偃。足攣成廢。甘遂一錢為末入猪腰子內煨食之上吐下瀉即愈。一人背偃。足攣脉沉強而細以煨腎散與之上吐下瀉。凡三服乃愈。

內經曰濕熱不攘大筋繆短小筋弛長。繆短為拘弛長為痿。註曰大筋受熱則縮而短小筋得濕則引而長是故背偃。偃而骨節突出也。依法治之。○老人偃偃乃精髓不足而督脉虛也。宜用補腎益精髓之劑。

龜背

詳見小兒門

單方

凡四種

羌活

治風濕脊痛項強不可回顧。劉水煎服之。

獨活

治中濕頸項難舒。劉酒水煎服之。

烏藥

治膀胱腎間冷氣攻衝背。劉水煎服或末服之。

膈肭臍

主治背肭勞悶或痛。酒炙末服或丸服之。

鍼灸法

脊脊強痛取人中。○肩背疼取手三里。○背端骨下直腋縫尖及臂取二寸半。瀉六。○背痛乃作勞所致。惟膏盲為要穴。或背上先疼。遂

更醫寶鑑

卷二下 外形篇

三



特1
2498


東醫寶鑑外形篇卷二下終

東醫寶鑑 卷二下
牽引肩上面而疼者乃膏爲患
當炙膏盲俞及肩井可愈

東醫寶鑑

卷二下

三



国立国会図書館 請求記号 特1-2498
タイトル『東醫寶鑑内景篇4卷外景篇4卷雑病篇11卷湯液篇3卷鍼灸篇1卷目2卷』

ガラス使用